

17383 - B2 E 2 / 791

Jehan de Meun^r
de Rouen surnommé
(Clapinet)

LE
PLAISANT

IEV DV DODE-

chedron de Fortune, non

moins recreatif, que

subtil & inge-

nieux:

*

Renouellé & changé

premiere edition.



Garles du

peu à peu

porte fruit.



LYON,

Par François Didier, deuant
sainct Antoine.

1 5 7 4.



ADVERTISSEMENT


AV LECTEUR.



Ntre tous les ieux & passetemps de fortune, dont i'ay eu cognoissance, cestuy que iadis composa feu maistre Iean de Meun, excellent poëte François, du temps du Roy Charles le Quint, est à mon iugement le plus subtil, & artificiel : car il y procede selon les reigles, & demonstrations de l'astrologie iudiciaire, obseruant ses effectz & proprietéz assignees aux douze maisons du ciel, faisant ses demandes & responses tant bien à propos suyuant icelles, que rien n'y est à desirer. D'auantage il prend pour l'instrument de son ieu vne figure geometrale appelée Dodechedron, fort propre & conuenable à son dessein: car'elle est semblablement composée de douze faces pentagones egales, & contient vingt angles, ou carnes solides, & soixante plains, pource que trois plains y font vn angle solide. Ceste figure a esté estimée par les anciens la plus excellente & parfaicte de toute la Geometrie, tellement qu'ilz l'ont accomparée à ceste grande machine du ciel, la circonference duquel contient douze signes & douze maisons, & est diuisée en 360. degrez, aussi le Dodeche-

A D V E R T I S S E M E N T

dron contient douze faces pentagones, comme demontre la presente figure.



Puis en conioignant les costez ensemblement & rapportant piece contre piece, compasseras facilement ce corps geometrique appelle Dodecædron, ou Dodechedron, en ceste forme



Mais pource que j'ay receu plaincte d'aucuns, que ce ieu selon sa premiere edition, estoit trop difficile, & fascheux à comprendre, tant pour l'obscurité de la table, que des chiffres, & diuers nombres mal aïsez à retenir, qui leur causoit à rencontrer le plus souuent vne response estrange, & mal conuenable à leur demande enquisse, tellement qu'ilz se degoustoyent du liure, se voyant frustrez du plaisir qu'ilz esperoyent en recueillir: Cela m'a esmeu de le changer & renouveler en autre forme plus agreable & facile, encore que ie soyé bien informé, que tel qu'il a esté diuulgé cy deuant, il a neantmoins esté bien

bien receu , tant pour la subtile & ingenieuse inuention d'iceluy , que pour la recreation qu'il s'en peut tirer , si curieusement on y prend garde : Car toutes les questions , & respôles y sont si bien assises chacune en son lieu , & la table en fait si certaine demonstration , que si on faut à rencontrer responce à propos , cela procedera plustost du lecteur mal aduisé , que de la disposition du liure. Doncq pour satisfaire à vn chacun , i'ay aduisé de prendre les caracteres numeraux les plus communs , & frequens à nostre vulgaire François , & delaisser les chiffres. Outre de faire deux tables , dont la premiere sera de lettres communes à commencer depuis A , iusques à M , pource que c'est la douzieme lettre de l'alphabet , & que noz tables ne doyuet cōtenir que douze fenestres en carcé , qui reuiennent à cent quarante quatre , & sont tellement lesdictes lettres disposees & diuersifiees , qu'on n'y scauroit trouuer deux fenestres semblables. Mais en telle disposition de lettres , faut considerer trois choses , pour entendre le secret de la table. La premiere , que chacune des douze maisons en son ordre , commence sur la fenestre , en laquelle les lettres se rencontrent doubles d'vne mesme figure , cōme. b b. cc. dd. ee. ff. gg. hh. ii. kk. ll. m m. Quant à la premiere maison , pource qu'elle denote le commencement de toutes choses , elle a tel priuilege , qu'elle & ses douze questiōs seront merquees de simples lettres , comme a. b. c. d. e. f. g. h. i. k. l. m. La seconde consideration est , que la lettre qui sera la premiere en chacune maison , sera semblablement , premiere en toutes ses fenestres , enquoy on pourra facilement cognoistre , où sont les douze questions de telle maison , comme pour exemple , la fenestre

A D V E R T I S S E M E N T

de ff, est l'indice de la sixieme maison, toutes ces questions seront en la mesme ligne, en commençant ff. pour la premiere. fg. la seconde, & continuant. fh. fi. f k. fl. f m. f a. fb. fc. fd. fe. & ainsi des autres. La troisieme cōsideration, est pour le regard des responses, car tout ainsi qu'en toutes les questiōs la premiere lettre qui precede, demonstre les douze questiōs d'une maison, aussi la lettre qui sera subsequente celle qui denote la question, secondera en toutes les fenestres ou se doyuent prendre les responses d'icelle question, cōme pour exemple. La cinquieme maison est en la fenestre e. La sixieme demāde d'icelle maison est en la fenestre e k. toutes les responses ordonnees pour ceste demāde, seront es fenestres ou k seconde les autres lettres, comme e k. f k. g k. & ainsi des autres: & n'y a autre differēce, sinō que les responses se content en descendant contrebas en la mesme colonne, & les demandes sont en la ligne droite, tirāt d'un costé à autre. Outre faut noter, qu'en ladite table chacune des douze maisons est par le haut gouvernee par l'un des douze signes du zodiacque, à sçavoir, la premiere par le Mouton, la secōde par le Taureau, la tierce par les Jumeaux, & ainsi des autres. Et sur les flancs ont pour gouverneurs les sept planettes, chacune desquelles gouverne deux maisons, fors le Soleil & la Lune, qui sont les deux grans lumineux, qui ne gouvernēt que chacun la sienne. voila l'industrie de ceste premiere table, l'usage de laquelle sera declairé cy apres. L'autre & seconde table est figuree en mesme symmetrie, & proportion que la premiere, & contient autant de fenestres, mais en chacune d'icelles au lieu de lettres, y a vne espece particuliere des douze sortes de creatures, dont la perfection

ction de ce monde est la plus enrichie & decoree, & sont diuisees en douze colonnes, dont les trois premieres sont dediees aux esprits, substâces, & impressions celestes. Les autres neuf, aux terrestres, comme les hommes, femmes, oiseaux, animaux, poissons, arbres, herbes, pierres & metaux, & chacune d'icelles gouuerne douze responses totalement diuerfes, & a diuerfes questions propres, selon qu'en chacune page elles sont assignees, de sorte qu'on y trouuera iusqu'au nombre de 1728. responses, comme on pourra voir en ensuyuant. Ou pour sommairement entendre la practique, & vsage de ce ieu de fortune, à fin d'en tirer plaisir, il faut prendre le Dodechedron, dont cy dessus est fait mention: & en defaut d'iceluy on se peut aider de deux dez communs: parce qu'en l'vn & en l'autre y a le nombre de douze: & peuuent deux dez ramener autant de points, comme le Dodechedron. toutesfois ie desirerois qu'on eust le Dodechedron s'il estoit possible: car outre qu'il est plus commode, il a vne secrette proprieté incogneuë, & ne faut douter qu'en telles & semblables figures & caracteres, les anciens n'ayent trouué de merueilleux secrets cachez. Puis faut eslire des questions celle qui viendra à plaisir, pour en auoir response, laquelle trouuee faut regarder en quelle maison elle est situee, sous quel nombre, & quelles lettres, comme par exemple, si on veut sauoir

Si seras riche par nature,

Ou par art, ou par aduerture.

Ceste demande est proposee en la deuxieme maison, en nôbre cinqeme, & a pour lettres b f. parquoy faut

aller en la premiere table chercher b f. qui sont en la sixieme colomne, sous le signe de la Vierge: puis faut gecter à l'adventure le Dodechedron, ou à faute d'iceluy deux déz communs: & le nombre qui aduendra, prenez que ce soit quatre au Dodechedron, ou double deux aux déz. Commencez à compter vostre nombre sur b f. pour vn, & en descendant en la mesme colomne: c f. pour deux. d f. trois. e f. quatre arrestez là, & regardez ce qui est escript sur. e f. trouuerez ces motz, Va au papegay. Dont faut aller en l'autre table chercher le papegay, lequel on trouuera en mesme endroit & situation que les lettres, e f. à sçauoir, sous le signe de la Vierge, & au gouvernement de Mercure. Et dedans la fenestre de ce papegay, on trouuera le nôbre de L X V. au moyen dequoy faudra feuilleter les responces iusques à la page du liure L X V. en laquelle on trouuera en teste le papegay, & sous le mesme nombre, qui a esté rencontré au Dodechedron, ou aux déz, qui est de quatre, se trouueront ces deux vers:

*Tu auras vn iour grand richesse
Par bon esprit, & par finesse.*

Voila toute l'industrie & subtilité de ce ieu decouuerte: que si aucun y prend plaisir, il n'en doit point abuser ne en esperer aucune certitude. Car l'intention de l'auteur n'a esté sinon pour donner plaisir & passetemps, comme par la preface subsequente on pourra plus amplement apercevoir.

INTER VTRVMQVE.



P R E F A C E.



I ce grand Dieu puissant tout pre-
uoit, predestine,
Preordonne & predit, conclud &
determine,
Si toute prescience à luy seul appar-
tient,

Je m'esbahis comment l'homme ignare soustient
Qu'il peut auoir par art (ou mieux outrecuidance)
Des choses à venir parfaite cognoissance.

C'est le premier effort, l'acte presomptueux
Qu'entreprit contre Dieu cest ange lumineux:
Se voulant faire egal à la diuinité,
Qui le rendit confus, au bas precipité
Auecques ses consors, par leur orgueil soubmis
A souffrir digne peine à leur peché commis.

Les hommes ont depuis suyui ceste entreprise,
Cherchans par tous moyens de forger à leur guise
Cent mil inuentions, tant par art que nature,
Pour ataindre & sauoir leur fatale aduenture:
Dont les malins esprits, conspirans leur ruine,
Sont les premiers auteurs de leur fausse doctrine.
Fausse dire la puis, car à Dieu contredit,
A son commandement ordonnance & edict.

Or le premier moyen ce fut idolatrie,
Et forger nouueaux dieux en chacune patrie,
Qui le peuple indiscret abusoient tellement
Que rien faire n'osoient sans leur consentement:
Sans premier enquerir de tous cas l'aduenture,
Dont la responce estoit quelques fois si obscure,

Qu'on ne pouuoit iuger de leur intention,

Cela fort esbranla leur diuination:

Car les aucuns ayans le sentiment meilleur,

Autrepart ont cherché leur fortune & bonheur.

L'vn en l'air, l'autre au feu, l'autre en l'eau, l'autre en terre:

L'vn au chant des oiseaux, l'autre en bois, herbe, ou pierre.

L'vn en philosophant aux croupes des montagnes,

L'autre en se pourmenât par les vaux, & campagnes,

Sur l'incertain obie&t de premiere rencontre

Estimoient pres&auoir leur bonne, ou male encôtre.

Autres plus hautement, voltigeans par les cieux

Ont si bien descouuert cest entour spacieux,

Les mouuemens diuers des images celestes,

La puissance & vertu des astres & comettes,

Qu'ils osent soustenir que leur art, & science

Des choses à venir donne signifi&ance.

Autres ont inuenté de sorts infinité,

Autres ont recherché sur la natiuité

De l'homme qui aura de le sauoir enuie,

La fortune & le cours de sa mortelle vie.

Sur les lineamens de la chiromancie,

Ou sur les poin&ts douteux de la geomancie,

Aucuns ont estimé la cognoissance auoir

Du futur, du passé, & le present sauoir.

Telles inuentions sont pure vanité,

Dont ce grand Dieu puissant est souuent irrité

Quand l'homme outrécuidé par sa folle arrogance

Des hauts secrets de Dieu veut auoir cognoissance.

Je ne veux toutefois tellement mespriser

Les sorts, que lon n'en puisse aucunesfois vser.

Noz peres anciens (comme on trouue en maint lieu)

En

P R E F A C E.

En ont souuent vſé, pour le vouloir de Dieu
 Entendre & deſcourir ſur la choſe douteuſe.
 La ſuperſtition trop vaine & curieuſe
 Eſt plus à meſpriſer, comme obſeruer les iours,
 Les heures & les moys, des eſtoilles le cours,
 Croire que certains motz, caractere ou figure
 Ont puiſſance & vertu iuſqu'à forcer nature:
 Car il faut eſtimer que tout cela prouient
 Des eſperits malins auſquels l'homme conuient
 Leur faiſant paction d'inſidele amitié:
 Mais c'eſt leur damnement, ſi Dieu n'en a pitié.

Or quant à mon deſſein, tout ce que ie pretends
 En ce liure ioyeux ce n'eſt que paſſer temps:
 C'eſt pour donner plaſiſr & recreation,
 Et croyez que l'auheur n'a autre intention.
 C'eſt vn ieu de fortune, ou lon ne peut meſprendre,
 Auſſi rien de certain on n'en doit point attendre.

Pour donc faire ſçauoir la maniere & comment
 En ce ieu de fortune on prent eſbatement,
 Pour en tirer plaſiſr à l'eſprit & au corps,
 Faut penſer que ce monde en diſcordans accors
 Touſiours ſe perpetue, & dans ſes creatures,
 Se treuent en effect de diuerſes natures:
 Mais douze i'en cognois qui d'eſtrange ſubſtance
 Demonſtrent bien auoir merueilleuſe puiſſance.

Les quatre angles du ciel, & les quatre elemens
 Sur nature & fortune ont diuers mouuemens.
 Ie voy que les eſprits tiennent leur region,
 Ie voy qu'en l'air ſe fai& diuerſe impreſſion
 Par greſle, pluye, & vent, par tonnoire, & tempeſte,
 Ie voy l'homme excellent deſſus toute autre beſte,
 Ie voy que maint prophete, & que mainte ſibyle
 Des choſes à venir ſi autement babille.

Le voy que les oiseaux, les bestes, & poissons,
 Que les herbes des champs, les arbres, & buissons,
 Les pierres, & metaux ont si grande puissance,
 Que nul n'en peut iuger s'il n'en a cognoissance.

Or de chacun i'ay pris douze des plus insignes,
 Pour mieux les accorder avec les douze signes,
 Et les douze maisons qui le ciel environnent,
 Et qui d'heur & malheur la cognoissance donnent.

Ce nôbre est tant parfait, que i'ay par sa semblâce
 Disposé de ce ieu la forme & ordonnance:
 Car en douze maisons i'ay voulu diuiser
 Toutes les questions que i'ay peu aduiser
 Conformes aux effects & proprietéz grandes
 Des celestes maisons par forme de demandes:
 Dont chacune maison en a douze, & autant
 Chacune demande ha de responses, partant
 Qui voudra rechercher sa fortune en ce liure
 Doit bien soigneusement ceste ordonnance ensuyure.

En premier lieu il faut par les maisons chercher
 La question qui plaist, & du doit la toucher,
 Considerant l'endroit, & le nombre, & la lettre
 Que dessus, & aux flans, i'ay voulu par tout mettre.
 La seule lettre veüe, on aura droitement
 Dans la table l'endroit, ou le commencement
 De ceste question la response doit prendre,
 Puis le Dodechedron que ie te veux apprendre,
 Te donnera le nombre, & le lieu que tu quiers,
 Pour trouuer la response à cela dont t'enquiers.

Or le Dodechedron est vn dé fort estrange,
 Qui en douze façons diuersément se change,
 Et toutesfois il est trezain en tous endroits.
 Quand il est bien formé, & ses poinçts bien adroits,
 Douze faces contient, & chacune cinq pointes

En

P R E F A C E.

En forme pentagone, & quand elles sont iointes
 Subtilement entemble, & en figure ronde,
 Font vn corps tresparfait à la forme du monde:
 Car il a douze poincts au lieu de douze signes,
 Si on le subdiuise en scalenes inignes,
 Autant il en aura que l'entour spacieux
 Peut auoir de degrez de la masse des cieux.

Prend donc ce dé parfait, & iette à l'aduenture,
 Et le nombre retien que monstra la pointure:
 Puis retourne à la table à l'endroit de la lettre,
 Ou cy deuant t'ay dit, qu'il falloit le doigt mettre:
 Et d'icelle commence à conter iusques à ce
 Qu'en descendant en bas, trouues l'endroit & place,
 Ou ton nombre finist, & là dessus t'arreste,
 Regardant la colonne, & quel signe y fait teste:
 Le Mouton, ou Taureau: la Vierge, ou le Lyon:
 Les Iumeaux, ou poissons: le Cancré, ou Scorpion:
 Puis va en l'autre table & en semblable endroit,
 Garde bien d'y faillir, car il faut aller droit,
 Trouueras quelque esprit, hōme, femme, ou oiseau,
 Quelque beste, ou poisson, bois, pierre, herbe, ou me
 Lequel t'enseignera (sans faire faute aucune) (tau
 La page & le fueillet ou sera ta fortune,
 Dont le nombre du dé grandement t'aidera
 Pour trouuer la responce où il te guidera:
 Car au mesme fueillet le nombre trouueras
 Tel qu'il estoit au dé, & en ce lieu auras
 La responce à propos de ta fortune enquisse.
 Si la responce est bonne, ou vient mal à ta guise,
 N'en soye pas poutant ou fasché, ou ioyeux,
 Et n'en imprime rien pour estre pis, ou mieux.

Pour encor mieux entendre, & la practique auoir
 De ce ieu de plaisir, pren que tu veux sauoir

Si de t'amie auras tost ou tard iouyffance:
 Voy l'vnzieme maison, tu auras cognoissance
 Que ceste question en son ordre y est la,
 Sous le nombre de III. & les lettres, L A:
 Puis va t'en au tableau qui de lettres est fait,
 Pour tes lettres chercher, lesquelles en effect
 Trouueras en leur lieu sous le Mouton asises:
 A l'endroit de Venus fort bien à propos mises:
 Puis ietteras le dé pour le nombre en tirer.
 Or pren qu'il vienne I X, te faudra retirer
 Vers tes lettres, L A, & commencer sur elles:
 Vn, deux, en descendant la colonne d'icelles:
 Et pource qu'il finist, soudain retourner faut
 En la mesme colonne, & conter par le haut
 En descédant trois, quatre, & iusques à ton nombre,
 Que trouueras au lieu, ou la Lune fait vmbre
 Sur les lettres, G A, dont l'endroit noteras:
 Puis à l'autre tableau qui ensuit chercheras
 Le lieu & mesme endroit ou la Lune rayonne
 Au signe du Mouton la premiere colonne.
 Lors l'angle de la mer en cest endroit sera,
 Qui le nombre de V I I. soudain presentera:
 Parquoy te faut aller en la page septieme
 De ce liure ioyeux, ou sous le nombre mesme
 Qu'as rencontré au dé, qui est IX, trouueras
 Ceste gaye responce, ou grand plaisir auras.

De celle qu'as vouiu choisir

Tu iouyras à ton plaisir.

Ainsi facilement prendras esbatement
 En ce liure ioyeux à ton contentement.

F I N.

INTER VTRVMQVE.

AV SEIGNEUR DECOURLAY
Conf. Not. & Secretaire du Roy,
& contrerolleur de sa
Chancellerie.

Sur tous les ieux de fortune muable
Le prise fort ce passetemps ioyeux,
Tant plus le voy, plus en suis curieux,
Et plus le trouue à mon gré delectable.
Si la responce est par fois veritable,
Ne veux pourtant l'estimer pis ne mieux:
Car seulement le trait ingenieux
Enest subtil, plaisant & agreable.
Mais encor mieux par tout sera receu
Quand on aura cy dedans apperceu
Que ta faueur l'a faict mettre en lumiere.
Lors cessera des enuyeux l'effort,
Lors se taira en voyant tel support
A mal parler la langue coustumiere.

R. VIVIEN SECRET. D. R.
A. Franc. Gru. R.

SI Homeres s'est pleu en ses Ratz, & Grenoilles,
Lucian en sa Mouche, & en son Asne Apulle,
Erasme en l'Escarbot, en ses Amours Catulle,
Vn autre à composer le liure des Quenoilles:
Vouldrois tu bien penser que ce petit subiet
Soit indigne du tout d'honorer vn Griget?

L A
DESCRIPTION DE
LA PREMIERE
maison, appelée



L'ANGLE D'ORIENT.

*La premiere maison se nomme
L'angle d'Orient, qui à l'homme
Donne premier commencement,
Tant de la vie qu'autrement:
Et signifie à la personne
Tout ce que nature luy donne,
Tant par dehors que par dedans,
Et les naturelz accidens,
Soit pour l'esprit, meurs, ou langaige,
Ou pour commencer quelque ouvrage,
Dont responce auras par deduict
Sur la demande qui s'ensuit.*

Si

i.	 <i>I nature au ieune enfant dōne Qu'il soit de cōplexion bonne.</i>	a	Cōmen cement de vie.
ii.	<i>Si l'enfant naturellement Doit viure en santé longuement.</i>	b	
iii.	<i>S'il aura bon sens & memoire, Et vn esprit digne de gloire.</i>	c	Presa- ges de ieunes- se.
iiii.	<i>S'il aura beau langaige & dous Pour conuerser avecques tous.</i>	d	
v.	<i>Quelz estatz luy seront meilleurs, Ou d'estre à l'estude ou ailleurs.</i>	e	Inclina- tion na- turelle.
vi.	<i>Quell science, s'il veut apprendre, Luy sera plus propre à comprendre.</i>	f	
vii.	<i>S'il ne veut entendre à la lettre, A quel art on le pourra mettre.</i>	g	
viii.	<i>S'aucun qui pense en general, Pense en son cœur ou bien ou mal.</i>	h	Des pen- sées & cogita- tions.
ix.	<i>Si autre chose on dit de bouche, Que ce qu'on pense, & au cœur touche.</i>	i	
x.	<i>Si ce qu'on pense aura effect, Et en quelque temps sera faiēt.</i>	k	
xi.	<i>Si pour quelque œuvre encōmencer Faiēt bon tarder, ou s'auancer.</i>	l	Cōmen- cemens deuures
xii.	<i>Si ce qui commencē sera, Finablement se parsera.</i>	m	

LA
DESCRIPTION DE
LA DEUXIESME
maison, appelée



SUCCEDETE.

*L'autre maison est succedente
A l'ascendant, & represente
Les biens, richesses, & fortunes,
Comme elles sont à tous communes,
Les gains, les profitz, & pratiques
Par societéz, ou traffiques,
Meubles, or, argent, & auoir,
Et la maniere d'en auoir,
Et d'en vser, en somme toute
Si en cela faietz quelque doubte,
Sur ces demandes trouueras
La response, ou plaisir auras.*

i.	S I aucun selon qu'il fut né Sera bien ou mal fortuné.	bb	De la naturelle inclina- tion à for- tune ou infortu- ne.
ii.	S'il se pourra quelque temps veoir Grans biens & grand richesse auoir.	bc	Des ri- chesses.
iii.	Comment & quel moyen prendra Celuy qui riche estre vouldra.	bd	
iiii.	Si tu acquerras grand richesse Des ton ieune aage, ou en vieillesse.	be	
v.	Si seras riche par nature, Ou par art, ou par aduventure.	bf	
vi.	S'aucun aura comme il entend Tout ce qu'il espere ou attend.	bg	De l'es- poir & at- tente.
vii.	S'aucun d'enrichir curieux Aura sur luy force ennieux.	bh	
viii.	S'il aura perte, ou gaignera Au faict ou il s'appliquera.	bi	Du prest & deb- tes.
ix.	S'aucun qui a faict quelque prest Le r'aura à son besoing prest.	bk	
x.	Si vn debteur en quelque temps Rendra ses creditours contens.	bl	
xi.	S'aucun qui est ou sera riche, Sera liberal, ou trop chiche.	bm	De libe- ralité.
xii.	En quoy le bien qu'il obtiendra Plus volontiers le despendra.	ba	

LA
DESCRIPTION DE
LA TROISIÈME
maison, appelée



LA DEESSE.

*La tierce maison est Deesse,
Laquelle sur freres s'adresse,
Sur les sœurs, parens, & cousins,
Sur les voyages, & voisins,
Sur les compaignons & amis,
Sur Iuges, Prelatz, & commis
Pour gouverner une cité,
Sur gens qui sont en dignité,
Et sur les enfans qu'on allaiète.
S'il y a rien que tu soubhaitte
Pour ton esprit mettre à repos,
Trouveras response à propos.*

i.	S I deux freres s'entr'aymeront, Ou comment ilz s'accorderont.	cc	Signifi- cation sur les freres.
ii.	Lequel des deux freres doit viure. Plus longuement sain, & deliure.	cd	
iii.	Lequel de l'un & l'autre frere Aura fortune plus prospere.	ce	
iiii.	Celuy qu'on tient à compaignon S'il est amy fidele, ou non.	cf	De la so- cieré & compa- gnie.
v.	Si c'est chose mauuaise ou bonne D'accompaigner vne personne.	cg	
vi.	S'il est bon de partir pour l'heure En compaignie, ou qu'on demeure.	ch	
vii.	Si le iuge est saige & propice Pour faire à tous droict & iustice.	ci	Des Ju- ges.
viii.	Si ce iuge sera blasme, Et du peuple hay, ou aymé.	ck	
ix.	Si le prelat d'une cité Est bon pour telle dignité.	cl	Des Pre- latz.
x.	S'il gouvernera son eglise Comme un bon pasteur sans saintise.	cm	
xi.	Si le ieune enfant qu'on alaiete A bonne mere, & bonne tette.	ca	Des en- fans qu' on alai- ete.
xii.	Quand le temps sera bien propice Pour le seurer de sa nourrice.	cb	

L A
DESCRIPTION DE
LA QUATRIESME
maison, appellée

* * *

L'ANGLE DE LA TERRE.

*La quarte est l'angle de la terre,
Qui fait aux vieux peres la guerre:
Sur leur vie, & successions,
Leurs maisons, & possessions,
Prez, bois, vignes, & labourages,
Fruicts de la terre, & heritages.
Outre s'estend sur les tresors
Mussez dedans terre, ou dehors:
Sur les secretz, & fondemens
Qu'on ne voit point des bastimens.
De cela, & chose semblable
Tu auras responce notable.*

i.	A Quelle fin, soit malle ou bonne, Viendra la chose à la personne.	dd	De l'eue- nement d'une chose.
ii.	Si celuy qui en a le nom Est de l'enfant vray pere ou non.	de	
iii.	S'un pere naturellement Doit gueres viure, ou longuement.	df	Vie des peres.
iiii.	S'on aura grands possessions Par acquest, ou successions.	dg	Succes- sions.
v.	Si on aura planté de biens En ceste annee, ou peu, ou riens.	dh	de la fer- cilité de l'annee.
vi.	De quelz fruietz peu, ou quantité: Quelz à bon pris, ou grand cherté.	di	
vii.	Si le temps est bon & propice Pour commencer un edifice.	dk	Cōmen- cemens d'edifi- ces.
viii.	Si l'edifice desia faiet Est bien fondé, & bien parfaict.	dl	
ix.	Si ce qu'on veut encommencer Se doit poursuyr, ou delaisser.	dm	
x.	Si au lieu qu'on pense un tresor Estre caché, y est encor.	da	Des tre- sors ca- chez.
ix.	Si le tresor se trouuera, Et en quel endroit il sera.	db	
xii.	Si ce qu'on veut estre celé Sera point scen, & reuelé.	dc	Du se- cret.

LA
DESCRIPTION DE
LA CINQUIESME
maison, appellée



BONNE FORTVNE.

*L'autre maison faiët bon visage
A ceux qui sont en mariage,
Et declaire s'ilz sont habilles
D'auoir enfans, ou filz, ou filles.
Plus signifie brauetez,
Les ieux, plaisirs, & voluptez.
Pour ceste cause en ces quartiers
Venus seïourne volontiers.*

*Plus les missiues & nouvelles,
Et messagers s'ilz sont fidelles,
Ceste maison est opportune
Pour rencontrer bonne fortune.*

i.	<i>Si ceux qui sont en mariage, Auront enfans en leur mesnaige.</i>	e e	De l'estat des mariez, s'ils auront enfans, ou non.
ii.	<i>S'ilz ne peuuent y paruenir, Auquel des deux il peut tenir.</i>	e f	A qui il tient.
iii.	<i>Si la dame est grosse & enceincte, Pour verité, ou si c'est feincte.</i>	e g	Si la dame est grosse.
iiii.	<i>S'elle doit filz, ou fille auoir, On le pourra icy sçauoir.</i>	e h	Qu'elle aura.
v.	<i>Si l'enfant masle aura desir Suyure vertu ou son plaisir.</i>	e i	De la naturelle inclination de l'enfant.
vi.	<i>Et la fille deuotion Au monde, ou à religion.</i>	e k	
vii.	<i>A quel ieu pour contentement Sera bon prendre esbatement.</i>	e l	Des ieux.
viii.	<i>Si le messager (quant à soy) Est loyal, & de bonne foy.</i>	e m	Des messagers, & de leur fidelité.
ix.	<i>Si le messager parfera, Ce qui enchargé luy sera.</i>	e a	
x.	<i>Si ce qu'on r'apporte est croyable, Et la nouvelle veritable.</i>	e b	Des nouuelles.
xi.	<i>Ce qu'une lettre en general Contient, si c'est, ou bien, ou mal.</i>	e c	Des missives.
xii.	<i>S'il sera bon en prose ou metre, D'escrire à s'amyne une lettre.</i>	e d	

LA
DESCRIPTION DE
LA SIXIESME
maison, appellée



MAVVAISE FORTVNE.

*La sixiesme est assez rude,
Traicte d'exil & saruitude,
Si le corps est malade, ou sain,
S'il a besoing de medecin,
Et s'il est scauant en sont art.
El signifie d'autre part
Sortileges, & malefices,
Les faux tesmoings, & iniustices,
Par faulses accusations:
Dont pour les reuelations
Qu'en voudras scauoir & entendre
Tu les pourrois icy apprendre.*

i.	S I un banny, deſtatz demis, Sera r'apellé, & remis.	f f	Des ban- nisse- mens.
ii.	Si un enfant aura ceſt heur D'ēſtre homme libre ou ſeruiteur.	f g	Des ſer- vitudes.
iii.	Si le ſeruiteur eſt feal, Et à ſon maiſtre bien loyal.	f h	
iiii.	S'il eſt bon de ſeruiteur prendre, Et auſquelz pluſtoſt on doit tendre,	f i	
v.	Si pour ſervir & loyaleſtre, Le ſeruiteur deviendra maiſtre.	f k	
vi.	Si le malade guarira, Ou comment de ſon mal ira.	f l	Des ma- lades.
vii.	Si la maladie ſera Fort longue, ou bien toſt ceſſera.	f m	De la maladie
viii.	Si le medecin qu'on applique A de la ſcience, & praſtique.	f a	Du me- decin.
ix.	S'aucun pour ſa repletion A beſoin de purgation	f b	De la mede- cine.
x.	Ce que le medecin ordonne, S'il ſera bon pour la perſonne.	f c	
xi.	Si celle, ou cil qui a le nom D'ēſtre enſorcelé, l'eſt ou non.	f d	Sortile- ges.
xii.	Si cil qui teſmoigne, ou depoſe Dira verité de la choſe.	f e	Teſmoi- gnage.

L A
DESCRIPTION DE
LA SEPTIESME
maison, appellée

* * *

ANGLE D'OCCIDENT.

*Ceste maison traicte l'usage
De se soubzmettre en mariage,
Des mariez la loyauté,
Jalousie, ou fidelité,
Des querelles, noise, & debatz,
De paix, ou guerre, & des combatz,
De la trafique, gaing, ou perte,
De chose emblée recouuerte,
Plus de la chasse & passetemps.*

*Si tes espritz n'en sont contens
Pour satisfaire à la demande
Response auras à ta commande.*

i.	<i>S'Il est bon, ou non, en quelque aage, Se mettre au ioug de mariage.</i>	g g	Des ma- riages.
ii.	<i>Lequel te sera plus utile, Prendre vne veufue, ou vne fille.</i>	g h	
iii.	<i>Si on aura en mariage Ce que l'on aime en son courage.</i>	g i	
iiii.	<i>Si les mariez (quant à foy) Sont loyaux, & de bonne foy.</i>	g k	Loyau- té des mariez.
v.	<i>Celuy que ialousie esprent, S'il en a cause, ou s'il mesprent.</i>	g l	
vi.	<i>Si vn enfant de gentil nom, Sera preux aux armes, ou non.</i>	g m	Des ar- mes.
vii.	<i>Si l'on aura pour ceste annee, La paix, ou guerre fortunee.</i>	g a	Paix, ou guerre.
viii.	<i>Si la guerre qui renouuelle Sera briefue, ou longue & cruelle.</i>	g b	
ix.	<i>Des deux qui ont noise & debat, Lequel doit gaigner au combat.</i>	g c	Des cô- batz.
x.	<i>S'il fait maintenant bon entendre, A grand chose acheter, ou vendre.</i>	g d	Traffi- que.
xi.	<i>Si la chose emblee, ou perdue Sera retronuee, ou rendue.</i>	g e	Des cho- ses per- dues.
xii.	<i>S'il vaut mieux voller aux rinages, Ou chasser aux bestes sauuages.</i>	g f	De la chasse.

LA
DESCRIPTION DE
LA HUITIÈSME
maison , appelée



MAISON DE MORT.

*La huitième maison du ciel,
Est plus amère que le fiel:
Carrien ne traite que de mort,
Et de sa qualité ou effort.
Si par accident ou nature
Terrassera la creature,
Qui bien souvent ne s'en desie.
Encores elle signifie
Long tourment, ennuy, & tristesse,
Crainte de poison, & destresse
De ceux qu'on menace & ont peur.
De trop s'enquerir n'est pas seur.*

i.	S' <i>Aucun dont on retient le nom Mourra prochainement, ou non.</i>	h h	
ii.	<i>S'aucun mourra en sa ieunesse, Ou s'il parviendra à vieillesse.</i>	h i	Maison de mort
iii.	<i>S'aucun mourra, ou tost, ou tard, En son pays, ou autre part.</i>	h k	
iiii.	<i>Si par guerre, assaut, ou fortune, Il mourra, ou de mort commune.</i>	h l	Qualité de mort.
v.	<i>S'aucun par excès, ou effort, Aduancera son temps de mort.</i>	h m	
vi.	<i>S'aucun absent, ou en exil, Est vif, ou mort, ou en peril.</i>	h a	De la di spositiō des ab- sens.
vii.	<i>S'aucun mourra sans qu'il se faigne Au liēt d'honneur, & en campagne.</i>	h b	
viii.	<i>Lequel de ceux qu'on me propose, Premier aura la bouche close.</i>	h c	
ix.	<i>S'aucun qu'on menasse, ou a peur En sera tost, ou iamais seur.</i>	h d	De la peur & crainte.
x.	<i>S'aucun qui craint qu'on l'empoisonne En pourra sauuer sa personne.</i>	h e	Des poi- sons.
xi.	<i>S'aucun qui cuide en verité Estre empoisonné, l'a esté.</i>	h f	
xii.	<i>Quelle mort, s'on l'auoit à dire, Seroit la meilleure à eslire.</i>	h g	El:ctiō de mort

LA
DESCRIPTION DE
LA NEVFIESME
maison, appellée



MAISON DE DIEV.

*La neufiesme selon les saiges
Traicte des longs pelerinages,
Et chemins de deuotion,
Foy, Iustice, & Religion,
Sapience & Philosophie.
Encores elle signifie
Songes & deuinations,
Et les significations
Des prodiges & nouueaux signes,
Et des punitions diuines,
Qui souuent mettent en soucy,
Mais tu les apprendras icy.*

i.	<i>SI le chemin empris à faire Se pourra sans danger parfaire.</i>	i l	Voya- ges, & lōgs-pe- lerina- ges.
ii.	<i>Si la nef qu'on desire fort Viendra arriuer à bon port.</i>	i k	
iii.	<i>S'aucun du voyage entrepris Reuiendra sans estre surpris.</i>	i l	
iiii.	<i>Si quelqu'un est propre & idoine Pour estre fait & rendu moine.</i>	i m	Des reli- gions.
v.	<i>Si la fille dont on deuise Doibt estre en religion mise.</i>	i a	
vi.	<i>S'aucun qu'on pense sainct hermite Est tel qu'il semble, ou hypocrite.</i>	i b	Hipo- crite.
vii.	<i>Si quelqu'un est de bonne indole Pour apprendre & mettre à l'escole.</i>	i c	
viii.	<i>Si lon doit attendre d'un songe Que soit verité, ou mensonge.</i>	i d	Signi- fication des son- ges.
ix.	<i>Si de ton songe ce n'est rien, Ou s'il denote mal, ou bien.</i>	i e	
x.	<i>Si le presage ou l'on se fie Quelque bien, ou mal signifie.</i>	i f	Des pre- sages.
xi.	<i>Si d'un fait la vraye action Sçauras par diuination.</i>	i g	Diuina- tion.
xii.	<i>Si nous pourrons à iamais voir Iustice & paix leur regne auoir.</i>	i h	Iustice & paix.

L A
DESCRIPTION DE
LA DIXIÈME MAI-
son, appelée l'angle de
Midy, autrement



LE CŒUR DV CIEL.

*Ceste maison est exaltee,
Et au milieu du Ciel plantee:
Aussi elle prend son adresse
Sur la royalle noblesse,
Sur les Princes, & grans seigneurs,
Sur les offices & honneurs:
La faueur & autorité
De la Royalle maieité.
Ses ennemis, ou alliance,
Son audace, & perseuerance:
Les demandes sont à choisir
Pour satisfaire à ton desir.*

i.	<i>S'aucun pourra comme il desire Atteindre à l'honneur qu'il aspire.</i>	kk	Des hō- neurs.
ii.	<i>Si l'heure & le temps est propice Pour demander aucun office.</i>	kl	Poursui- te d'offi- ces.
iii.	<i>S'on'acquerra biens & honneurs Au propre pays, ou ailleurs.</i>	km	
iiii.	<i>Si tost, ou tard, à l'aduenir, On doit aux honneurs paruenir.</i>	ka	
v.	<i>S'aucun pourra par bien ouurer Son honneur perdu recouurer.</i>	kb	
vi.	<i>S'il est à present bon ou mal D'entrer en seruice Royal.</i>	kc	Seruice Royal.
vii.	<i>S'un Roy, ou prince, ou grād seigneur Regnera long temps en honneur.</i>	kd	Estat du Roy.
viii.	<i>S'il regnera en equité, Et en iustice, & verité.</i>	ke	
ix.	<i>S'il sera de son peuple aymé, Ou en danger d'estre blasmé.</i>	kf	
x.	<i>S'il sera trauaillé de guerres, Ou s'il tiendra en paix ses terres.</i>	kg	
xi.	<i>S'il sera liberal de biens Et preux pour defendre les siens.</i>	kh	
xii.	<i>Si un Roy par succession, Vaut mieux que par election.</i>	ki	

L A
DESCRIPTION DE
L A VNZIESME
maison, appellée

* * *

LE BON ANGE.

*Ceste maison prent congnoissance
De tout l'esper & con fiance ,
Et de la fortune de l'homme:*

Aussi le bon ange se nomme.

*Quand Iuppiter y fait seiour
Il n'y manie que l'amour,
Et d'une amyie sans pitié
Fondra le cueur en amitié:*

*Aussi d'un amant rigoureux
Le faiçt traicçtable & amoureux.*

*Donc celuy qu'amour importune
Vienne icy chercher sa fortune.*

i.	<i>S'aucun aura en cest' année Bonne fortune & destinée.</i>	l i	Fortune de l'hō- me.
ii.	<i>Si ce qu'on espere & attend Aduiendra comme l'on pretend.</i>	l m	
iii.	<i>Si aucun que l'amour tormente A chef viendra de son entente.</i>	l a	Des a- mours.
iiii.	<i>Par quel moyen plus prompt & brief Viendra de ses amours à chef.</i>	l b	
v.	<i>Celuy qui amyse reclame, S'il est bien aymé de sa dame.</i>	l c	De l'a- my.
vi.	<i>Si celle aussi est bien aymée Qui dame & amie est nommée.</i>	l d	De l'a- mye.
vii.	<i>S'i l'amour long temps durera, Par qui, & comment finera.</i>	l e	
viii.	<i>Lequel des deux qu'amour conforte Aime l'autre d'amour plus forte.</i>	l f	Compa- raison d'ami- tié.
ix.	<i>Si celuy qui pense estre amy L'est voirement, ou à demy.</i>	l g	
x.	<i>Si en l'estat ou tu es mis Auras peu ou beaucoup d'amis.</i>	l h	
xi.	<i>Lesquelz ayment d'amour meilleure Le riche, ou le pauvre à ceste heure.</i>	l i	D'ami- tié.
xii.	<i>Si pour le temps auras fortune Bien favorable & oportune.</i>	l k	

L A
DESCRIPTION DE
LA DOVZIESME
maison, appellée

* * *

MALING ESPRIT.

*La derniere maison consomme
Toutes les miseres de l'homme:
Fraude, tristesse, soing, & cure,
Tourmens, prison, & chartre obscure:
Ennemis, rancune, & enuye,
Pleurs & regretz en ceste vie:
Trahissons, & captiuité,
Ne trouuer point de charité,
En cheuaux, fraude, & tromperie.
Finalement à fin qu'on rie,
Et riens ne se pregne qu'en ieu
La responce aurez en son lieu.*

i.	<i>Si quelqu'un a beaucoup d'amis. Ou de malueillans ennemis.</i>	mm	Des ennemis & mal ueillans.
ii.	<i>S'il viendra, comment, & en brief, De tous ses ennemis à chef.</i>	ma	
iii.	<i>Si d'un proces comme on espere La fin sera bonne & prospere.</i>	mb	Des proces.
iiii.	<i>Quelz bons moyens on doit tenir Pour un proces bien tost finir.</i>	mc	
v.	<i>Si le fort qu'on tient assiegé Sera rendu, ou s'accagé.</i>	md	Ville assiegee.
vi.	<i>S'on pourra venger le meffaiët, Et quelque iniure qu'on a faiët.</i>	me	Vengeãce d'iniure.
vii.	<i>S'un prisonnier en quelque part, Sera deliuré tost, ou tard.</i>	mf	Des prisonniers.
viii.	<i>S'aucun en tristesse, & souffrance, Aura de son mal allegeance.</i>	mg	Tristesse.
ix.	<i>Si aucun veut, & a pouuoir De se fascher & decepuoir.</i>	mh	Tromperie.
x.	<i>S'aucun voisin ou compaignon A dessus toy enuie, ou non.</i>	mi	Enuie.
xi.	<i>Si le cheual qu'on te veut vendre Sera profitable à le prendre.</i>	mk	Achat de cheuaux.
xii.	<i>Si la fin sera malle ou bonne De la vie d'une personne.</i>	ml	La finde l'homme.

Fin des Questions.

AV LECTEUR,
SONNET.

A Jean de Meun pour cest invention
On donne los d'eternelle memoire:
Mais le Lochois n'est moins digne de gloire,
Qui nous en fait avoir fruition.
Cessez de plus avoir affection
Au ieu de sort qui est diffamatoire:
Prenez cestuy, si vous m'en voulez croire,
Car c'est vn ieu de recreation.
Le temps vieillard, en son antre reclus
L'auoit caché, tant qu'on n'en parloit plus:
Mais malgré luy l'auons mis en lumiere.
Voire plus beau, soit pour l'esbatement,
Ou pour donner à l'œil contentement,
Que n'eut iamais l'edtion premiere.

M. FRANCOIS RASSE,
des Neux, Chirurgien à Paris.

Moindre n'est la vertu, mais egalle & commune
Garder le bien acquis, ou d'autre en acquerir:
Conseruer la santé, ou l'infirmes guerir.
Aussi l'honneur t'est deu sans controuerse aucune
De ce qu'en bien gardant, tu n'as laissé perir
Les antiques fragmens de ce ieu de fortune.

INTER VTRVMQVE.

SA

Satur

Iupite

Mars

Venus

Mercu

Soleil

Lune

Satur

Iupite

Mars

Venu

Mercu

Saturn

Jupiter

Mars

Venus

Mercur

Soleil

Lune

Saturne

Jupiter

Mars

Venus

Mercur

- i.  *A complexion ne sera
Jamais bonne, ou il changera.*
- ii. *Son honneur gardera si bien,
Que nul ne luy messera rien.*
- iii. *En brief auras à ta plaisance
De t' amie la iouyssance.*
- iiii. *Par son esprit & son bon heur
Bien tost viendra à grand honneur.*
- v. *Elle sera bien chaste & bonne
En quelque estat qu' on luy ordonne.*
- vi. *Il est en griefue maladie,
Mais il n' est pas mort, quoy qu' on die.*
- vii. *Pour la guerre qu' aurons, en somme
N' endurera que le bon homme.*
- viii. *Ce medecin n' est gueres sage,
Deson art n' entend pas l' usage.*
- ix. *Ce messager, en chose grande
N' accomplira ce qu' on demande.*
- x. *Il n' y a rien qui bien te face,
Car il n' y a plus que la place.*
- xi. *Ceste nourrisse me desplait:
Ie croy qu' elle a troublé le lait.*
- xii. *Il ne despendroit vne maille,
De peur que le bien ne luy faille.*

- i. De son naturel il propose
De l'employer en bonne chose.
- ii. Sa complexion ne s'encline
Qu'à bonne nature & sanguine.
- iii. Cestuy vaincra ses ennemis
Par le moyen de ses amis.
- iiii. D'y paruenir sera leger,
Mais garde toy de ce danger.
- v. Apres auoir long temps seruy,
Auras l'honneur qu'as desseruy.
- vi. Iamais ne soit Nonne tondue,
Ou l'estimez fille perdue.
- vii. Encores qu'il soit en santé
Son esprit est fort tormenté.
- viii. Princes feront telle alliance
Que Mars n'aura sur eux puissance.
- ix. Ce Medecin en theorique
Est excellent, & en pratique.
- x. Ce messenger fera tresbien
Ce qu'il doit sans oublier rien.
- xi. Il y a tresor de grand pris,
Faietz si bien que n'en sois repris.
- xii. C'est ceste cy que ie souhайте,
Car elle est nourrisse parfaicte.

- i. *Ceste nourisse est fantastique,
Et a son laiçt trop colerique.*
- ii. *Il est enclin pour entreprendre
A follement son bien despendre.*
- iii. *Cestuy sera chaud & colere,
Si par raison ne se modere.*
- iiii. *Ses ennemis ont grand puissance,
Peu luy vaudra sa resistance.*
- v. *Tu pers ta peine d'y pretendre,
En autre lieu te faut entendre.*
- vi. *Il aime mieux son proffit faire
Que tendre à un louable affaire.*
- vii. *Mieux aimera (dont ie la prise)
Un bon mary que bigotise.*
- viii. *Ne t'esbahis s'il n'est venu,
Car par force il est retenu.*
- ix. *En danger sommes d'auoir guerre
Tant sur la mer que sur la terre.*
- x. *C'est mal rencontré medecin,
Par luy ne seras iamais sain.*
- xi. *Il ne fera rien qu'à regret,
Tu ne luy diras ton secret.*
- xii. *Il n'y a qui vaille une pitte,
Pour neant en ferois poursuite.*

- | | |
|-------|--|
| i. | <i>Ily est encor ie t'asseur,</i>
<i>Mais ne le verras pour ceste heure.</i> |
| ii. | <i>Ceste a de bon lait à plaisir,</i>
<i>Meilleure ne pourriez choisir.</i> |
| iii. | <i>Il despandra tout sans mesure</i>
<i>En ses plaisirs, & en luxure.</i> |
| iiii. | <i>Il ne decline point à mal,</i>
<i>Ains sera franc & liberal.</i> |
| v. | <i>Cestuy est prudent & discret,</i>
<i>Il viura pour estre secret.</i> |
| vi. | <i>Ayant souffert peine & meschef</i>
<i>Il viendra de s'amy à chef.</i> |
| vii. | <i>Bien tost viendra à bonneur tel</i>
<i>Qu'il en aura loz immortel.</i> |
| viii. | <i>Ceste fillette est si bien née</i>
<i>Qu'à tout bien faire est destinée.</i> |
| ix. | <i>Pour aucun rapport ne t'estonne,</i>
<i>Car il est sain de sa personne.</i> |
| x. | <i>Tresues aurons ou paix fourrée,</i>
<i>Car guerres n'auront de durée.</i> |
| xi. | <i>Cestuy est homme de sçauoir,</i>
<i>Il y fera bien son deuoir.</i> |
| xii. | <i>Il parfera bien son message</i>
<i>S'il n'est surprins en un passage.</i> |

- i. *Il fera bien & faigement
Son message à mon iugement.*
- ii. *Il y a tresor voirement,
Mais est caché subtilement.*
- iii. *Si de nourrisse on veut presser
De ceste cy vous faut passer.*
- iiii. *Il employera beaucoup du sien
Pour auoir nom d'homme de bien.*
- v. *Il aura nature muable,
En bien & en mal variable.*
- vi. *Ayant en espoir patience,
Des ennemys auras vengeance.*
- vii. *Ce sot facheux trop annuyra,
De ses amours ne iouyra.*
- viii. *Si autrement tu ne faitz rien
Iamais n'auras honneur ne bien.*
- ix. *Elle aura aussi bon courage
De seruir Dieu en mariage.*
- x. *Il n'a soing de chanter ballade
S'il n'est mort, il est bien malade.*
- ix. *La guerre aurons en tel effort,
Que le bon droict aura le tort.*
- xii. *Cestuy qui grand maistre se faiët
A plus de babil que d'effect.*

- i. *Il est bien saige & bien expert,
Comme par ses faitz en appert.*
- ii. *Il fera si bien son debuoir
Qu'on luy deura bon gré & canoir.*
- iii. *Il est bien vray qu'on l'y mussa,
Mais on l'a osté despieç'a.*
- iiii. *En ceste cy n'a aucun vice,
Pourquoy ne soit bonne nourrice.*
- v. *Il despandra des biens notables
A iouer aux dez & aux tables.*
- vi. *Cestuy de bonnes meurs sera,
Dont tout le monde l'aimera.*
- vii. *Pour le bien qui en luy sera,
Toute querelle appaisera.*
- viii. *Voyant sa loyalle amytié
S'amyé aura de luy pitié.*
- ix. *Veü son esprit, ie luy prometz,
Qu'il aura bon bruyt à iamaïs.*
- x. *Ceste aara l'œil en sa saison
Plus à danser qu'à l'oraison.*
- xi. *Il est bien sain, & mal n'endure,
Ains a trouué bonne aduerture.*
- xii. *Dieu nous donra par sa clemence
Cest an repos & pacience.*

- i. *On n'aura cest an point de guerre,*
Chacun voudra garder sa terre.
- ii. *Ce medecin Phisicien*
N'est gueres bon prasticien.
- iii. *Il fera bien ce qu'il doibt faire,*
Et mettra fin à ton affaire.
- iiii. *Tresor y a s'il est cherché,*
Mais il est bien avant caché.
- v. *Ceste me semble trop facheuse,*
Elle est rud' & mal gracieuse.
- vi. *Il despendra plus volontiers*
Son bien aux pauvres qu'aux monstiers.
- vii. *Cestuy sera de grand loysir,*
Et fort subiect à son plaisir.
- viii. *Pour parler doux & sagement*
Il vaincra tout finablement.
- ix. *De celle qu'as voulu choisir*
Tu iouyras à ton plaisir.
- x. *Par peine & labeur en brestemps*
Auras l'honneur que tu pretens.
- ix. *Si ceste fille on faisoit Nonne,*
La fin n'en seroit iamais bonne.
- xii. *S'il est ou mort ou en malaise*
Louez Dieu & ne vous desplaise.

- i. *Si dans brief temps ne le voyez,
C'est fait de luy, & m'en croyez.*
- ii. *C'est an la guerre se fera,
Qui fort longuement durera.*
- iii. *Ce medecin n'est pas scient
Pour guerir vostre patient.*
- iiii. *Ce messagier comment qu'il aille
Ne fera ia chose qui vaille.*
- v. *Tout le tresor ce n'est qu'ordure,
N'y cherchez point vostre aventure.*
- vi. *Ceste n'est pas de bonnes meurs,
Vne autre en faut chercher ailleurs.*
- vii. *Il gardera tout si estroit
Qu'il ne despendra rien à droist,*
- viii. *Cest enfant, à nul n'en desplaise,
Aura complexion mauuaise.*
- ix. *Tu es fascheux & orgueilleux,
Tu seras tousiours querelleux.*
- x. *Tu ne scaurois faire la court,
Ailleurs faut chercher ton plus court.*
- xi. *Il ne meēt son cueur qu'à l'auoir:
Et n'a soucy d'honneur auoir.*
- xii. *Elle seroit religieuse
Qui voudroit, bonne & gracieuse.*

- i. Ceste vaut mieux à mariage
Pour bien disposer un mesnage.
- ii. Il est bien sain & en bon poinct,
Partant ne vous en fâchez poinct.
- iii. S'ily a guerre, aussi aura
Vn Prelat qui l'appaisera.
- iiii. Cestuy entend bien la science,
Mais n'en ferez l'experience.
- v. Ce messenger est à ta guise
Pour mettre à fin ton entreprise.
- vi. Il y a grand tresor & riche,
Pour le chercher ne sois point chiche.
- vii. Ceste femme est bonne nourrice,
Et au petit enfant propice.
- viii. Les fruietz despendra voluntiers,
Laisant le fond aux heritiers.
- ix. Il est bien complexionné,
Et à tout bien faire adonné.
- x. Tu les vaincras si tu es sage,
Leur faisant teste & bon visage.
- xi. Apres auoir long temps seruy
Auras le bien qu'as desseruy.
- xii. Pour estre gracieux & saige
Honneur aura des son ieune aage.

- i. Croy que fortune te depart
D'honneurs mondains petite part.
- ii. De Religion n'aura cure,
Mais qu'un mary on luy procure.
- iii. Cest absent en pais estrange
S'il n'est mort, il est en danger.
- iiii. Nous aurons guerre, dont i'asseure
Que plusieurs en maudiront l'heure.
- v. Il n'est discret ne vertueux,
Mais un vray fol presumptueux.
- vi. Ne t'attens point que iamais face
Chose qui soit de bonne grace.
- vii. En ce lieu n'y arien qui vaille,
Tu n'y trouueras vne maille.
- viii. Ceste cy est bonne à souhait,
Mais gardez qu'on trouble le laict.
- ix. Aux armes fera grand despense
Si pauureté ne l'en dispense.
- x. Il sera maigre & colerique,
En danger d'en venir cithique.
- xi. Pour chercher proces & debats
Tu pourrois bien te mettre au bas.
- xii. L'amye auras qui plus te touche,
Mais garde toy de malebouche.

- i. *Il iouyra finablement
De s' amy honorablement.*
- ii. *Ceſtuy bien toſt monté ſera,
Mais en ſin on l' abaiſſera.*
- iii. *Ce n' eſt pas ſon cas d' eſtre Nonne,
Eſt trop iolye & mignonne.*
- iiii. *L' abſent duquel on tient propos
Eſt en bon poinct & bien diſpos.*
- v. *Nous aurons la paix ceſte année,
Car le bon Dieu nous l' a donnée.*
- vi. *Ce medecin eſt bien diſcret,
Declairez luy voſtre ſecret.*
- vii. *Il ſcra ſi bien ſon meſſage
Que le tiendras à homme ſage.*
- viii. *Treſor y a s' on le fait querre,
Mais il n' eſt pas muſſé en terre.*
- ix. *Ceſte nourrice eſt ſaine & nette,
Et a bon laiët & bonne tette.*
- x. *Pour ſon plaisir & volupté
Son bien ſera mal exploicté.*
- xi. *Il aura complexion bonne,
Mais qu' à luxure ne s' adonne.*
- xii. *S' il a meſſait faut qu' il l' amande,
S' on luy fait tort en Dieu s' attende.*

- | | |
|-------|---|
| i. | <i>Cestuy vaincra par sa prudence
Ses ennemis mieux qu'on ne pense.</i> |
| ii. | <i>De ses amours en peu de tans
Il aura ses espritz contens.</i> |
| iii. | <i>Ne t'esbahys si tost, ou tard,
Car d'honneurs auras bonne part.</i> |
| iiii. | <i>Il vaut mieux la laisser plus croistre
Avant que de la mettre en cloistre.</i> |
| v. | <i>S'il est mort ou vif n'ayez soing:
Mais de secours a bon besoing.</i> |
| vi. | <i>Cest an aurons guerre nouvelle,
Qui sera fort dure & cruelle.</i> |
| vii. | <i>Il est sage, & homme de bien,
Se fier en luy on peut bien.</i> |
| viii. | <i>Il ne fera certainement
Ce que lon veult entierement.</i> |
| ix. | <i>Tresor y a sans controuuer:
Mais est difficile à trouver.</i> |
| x. | <i>Pour alaiçter, & bien traiter,
A ceste se faut arrester.</i> |
| xi. | <i>En bonne chose il emploira
Le sien, & riens ne gastera.</i> |
| xii. | <i>Bonne complexion aura,
Mais ieunesse le deceura.</i> |

- i. *Il ne viura pas longuement
S'on n'y prend garde sagement.*
- ii. *Quelque bonne cause qu'on ait,
La fin n'est pas à ton soubhayt.*
- iii. *Pour y paruenir soys secret,
Sage, prudent, & bien discret.*
- iiii. *Encor aura plus grand credit
Qu'il n'auoit lors qu'il le perdit.*
- v. *Son semblant, & sa conscience,
Certes ont grande difference.*
- vi. *Ayant la cuyrassé endossé
Tumbera mort en vn fossé.*
- vii. *L'un ou l'autre est trop obstiné,
Le peuple en sera ruyné.*
- viii. *Si au ventre as repletion,
Pren par embas purgation.*
- ix. *Si c'est à bien, ie n'en croy rien,
Si c'est à mal, ie le croy bien.*
- x. *Au lieu qu'on diët qu'il est caché
Se trouuera, s'il est cherché.*
- xi. *Ne le seurez ceste sepmaine:
Car l'heure n'est bonne, ne saine.*
- xii. *Quelques biens qu'il ait, & honneur
Tousiours aura quelque malheur.*

- i. *Cestuy sera sans doute aucune
Sur tous bien aimé de fortune.*
- ii. *Long temps, & en santé viura,
Et grans biens, & honneurs aura.*
- iii. *De ce proces comment qu'il aille
N'auras iamais chose qui vaille.*
- iiii. *Si elle prent ce qu'on luy donne
Certainement ell' s'abandonne.*
- v. *Quoy qu'il tarde vn tel deshonneur
Luy tournera à grand honneur.*
- vi. *Quelque bonne mine qu'il face,
Il n'est deuot que par la face.*
- vii. *Il ne peut le canon ouyr,
Mieux aime ailleurs se resiouyr.*
- viii. *La guerre faudra par la mort
De celuy qui aura le tort.*
- ix. *Il n'a besoin de medecin,
Il est bien dispos & bien sain.*
- x. *Ce qu'on en seme par la ville
Croyez ce n'est pas euangile.*
- xi. *Par certain art, & par raison
Le trouueras dans la maison.*
- xii. *Si c'est vn fils seurer le faut,
Mais si c'est fille il ne m'en chant.*

- i. De maintenant scurer l'enfant
L'heure & le temps le vous defend.
- ii. Cestuy aura maint aduersaire,
Et la fortune bien contraire.
- iii. Cest enfant dont on tient propos
Pour long temps viure n'est dispos.
- iiii. Quant à ce proces, dire i'ause
Que tu obtiendras gain de cause.
- v. Sois hardy en ceste entreprise,
En fin ta dame y sera prise.
- vi. Du deshonneur qui tant le fasche
Toujours en aura quelque tache.
- vii. Il entend bien ce qu'il faut faire
Pour le saint homme contrefaire.
- viii. Cestuy est de trop noble race,
Plustost mourra, que quitter place.
- ix. La guerre ainsi qu'on la propose,
A grand cruauté se dispose.
- x. S'il n'est purgé competement
Il ne viura pas longuement.
- xi. Soyez certain soit mal ou bien
Que tout est faux, & n'en est rien.
- xii. Vous y pourriez beaucoup despendre
Sans rien trouuer que sceussiez prendre.

- i. *Qui vers orient cherchera.
En un gros mur le trouuera.*
- ii. *S'il a deux ans seurer le fault,
Pourueu qu'il ne face trop chaült.*
- iii. *D'autant qu'il est doux & affable
Il aura fortune agreable.*
- iiii. *Il est asséuré voirement
De viure en santé longuement.*
- v. *En ce proces que tu pretens
Tu n'y perdras que les despens.*
- vi. *Par douceur & simplicité
Iouyras du bien merité.*
- vii. *Cestuy malgré ses ennemis
En son honneur sera remis.*
- viii. *Qui le voudroit croire en ses dieux
Il seroit fort deuotieux.*
- ix. *Cestuy est nyais & coward,
Il craint de se mettre au hazard.*
- x. *Soubdain ceste guerre est ouuerte,
Soubdain s'appaisera sans perte.*
- xi. *Sobrement viue, & se contienne,
Et de medecine s'abstienne.*
- xii. *Sans cause on ne l'a pas semée,
Il n'est point de feu sans fumée.*

- i. *Ne pensez pas que ce soit fable,
Car la nouvelle est veritable.*
- ii. *En terre est caché bien auant
Du costé du soleil leuant.*
- iii. *S'il a puissance de manger
Seurez le sans aucun danger.*
- iiii. *S'il se veut par raison conduire
Fortune ne luy pourra nuire.*
- v. *Asssez vivra, quoy qu'on en die,
Mais ne sera sans maladie.*
- vi. *Qui plus y met plus y perdra,
Le profit ne vous en viendra.*
- vii. *Soys vigilant & ne dors mye,
Iamais couard n'eut belle amy.*
- viii. *Il n'aura iamais ce bon heur
De retourner à son honneur.*
- ix. *Soit mendiant, prestre ou chanoine,
Son habit ne le fait pas moine.*
- x. *Vn cueur vaillant iamais ne faut
De mourir en guerre ou assaut.*
- xi. *Par ceste guerre on destruyra
Tout le pays ou lon ira.*
- xii. *Laisse à present faire nature,
Elle mesme fera sa cure.*

- i. *Il n'est pas temps de se purger,
Mais cependant faut peu manger.*
- ii. *Ceste nouvelle est bien croyable,
L'estime qu'ell' est veritable.*
- iii. *Cherchez au lieu qu'aduiserez,
Certainement l'y trouuerez.*
- iiii. *Seurez le, il a assez tette,
Mais que ne soit en plein este.*
- v. *La fortune tant l'aimera
Qu'à grans honneurs l'esleuera.*
- vi. *Cest enfant naturellement
Doit viure en santé longuement.*
- vii. *Si c'est pour iniure ou excès
N'auras profit en ce proces.*
- viii. *Qui de femme l'amour desire
En rien ne luy doit contredire.*
- ix. *A son honneur la fine mousche
Viendra du cas dont on le touche.*
- x. *C'est un fin galland babillard,
Qui contrefait le papelard.*
- xi. *Cestuy mourra de plusieurs coups
Si par ses amis n'est rescoux.*
- xii. *En ceste guerre dont on bruit
L'un des deux chefs sera destruit.*

- i. *Ceste guerre en brief finira,
Mais le Pape y contredira.*
- ii. *De medecine ne pren point
Tant que la lune soit en poinct.*
- iii. *Si la nouvelle continue
Pour vraye doit estre tenue.*
- iiii. *Tu le trouuerras, mais pren garde
De lier l'esprit qui le garde.*
- v. *Seurez l'enfant sans plus attendre,
L'heure est bonne, on n'y peut mesprendre.*
- vi. *Si tu sais poursuyure ton heur.
Tu paruiendras à grand honneur.*
- vii. *Il doit viure assez par nature
S'il n'a fortune, ou aduventure.*
- viii. *De ce proces dont on propose
En pourras auoir quelque chose.*
- ix. *Faiçts des presens, car bien souuent
Femme qui prend elle se vend.*
- x. *Son infortune causera
Qu'en plus haut lieu monté sera.*
- xi. *Pour tel qu'on le voit ie le tien,
Et tel est qu'il monstre au maintien.*
- xii. *Il est content de voir l'esbat,
Mais ne veut entrer en combat.*

- i. *Cestuy mourra en bataillant,
Car il est hardi & vaillant.*
- ii. *La guerre tel tens durera
Que l'un & l'autre fâchera.*
- iii. *Si ne te purges promptement
Seras malade assurement.*
- iiii. *C'est chose fause & controuuée,
Et telle en fin sera trouuée.*
- v. *A tout iamais chercher pourras
Que nul tresor ne trouueras.*
- vi. *Il n'est pas temps de le seurer,
On y pourra bien recouurer.*
- vii. *Tu n'auras ia bonne aduenture,
Ou ce sera contre nature.*
- viii. *Cestuy mourra des son ieune aage,
Dont sera grand perte, & dommage.*
- ix. *N'ayez proces n'inimitié,
Plustost quittez en la moytié.*
- x. *Monstre toy hardy & vaillant,
Et te garde d'un malueillant.*
- xi. *Il ne peut son honneur r'auoir,
Ant bien en face son deuoir.*
- xii. *Ne vous fiez en ce cassard,
Car de son faiçt ce n'est que fard.*

- i. *Ce qu'il en fait ce n'est faintise,*
Il ayme Dieu & son eglise.
- ii. *Cestuy n'a garde d'y mourir,*
Car il est trop prompt à courir.
- iii. *Tel prelat s'en'entremettra*
Qui ceste guerre à fin mettra.
- iiii. *Pour guarir nature replete,*
Te louè que faces diete.
- v. *Si c'est quelque bonne nouvelle,*
Tu peux bien croire qu'elle est telle.
- vi. *Qu'en vain ne se traueille & peine,*
Car il n'y perdroit que sa peine.
- vii. *Il est temps si ell' est femelle*
De la seurer de la mammelle.
- viii. *Fortune à la fin t'aydera.*
Mais quoy? le temps te tardera.
- ix. *Il est faiçt de bonne matiere,*
Il viura d'homme vie entiere.
- x. *En ce proces il obtiendra,*
Car le conseil pour luy tiendra.
- xi. *Beau maintien & douce parolle*
Font en l'amour la femme folle.
- xii. *L'honneur perdu par un serfaiçt*
Sera rendu par un bien faiçt.

- i. *Qu'il face du mieux qu'il pourra,
Toujours ce deshonneur aura.*
- ii. *Cestuy qui tant fait du prud'homme
Est vn meschant & mauuais homme.*
- iii. *Il mourra les armes au poing,
Car on le lairra au besoing.*
- iiii. *Ceste guerre comment qu'il aille
Ne faudra iamais sans bataille.*
- v. *Pour le present iete deuine
Que n'as besoin de medecine.*
- vi. *De ce rapport que lon propose
Croy pour vray qu'il est quelque chose.*
- vii. *Quoy qu'il y soit, par quelque peine
Ne l'auras de ceste sepmaine.*
- viii. *Ne le seurez en ceste sorte,
Attendez qu'autrement se porte.*
- ix. *Si tu n'y prens grand' cure & soin,
Te lairra fortune au besoing.*
- x. *Il n'est taillé de long temps viure,
Trop voudra ses plaisirs ensuyure.*
- xi. *Je donne gain au demandeur,
Et condamne le defendeur.*
- xii. *N'aimez iamais telle personne
Qui prent argent, ou qui en donne.*

- i. *Aime t'amie loyaument,
Elle t'aimera pareillement.*
- ii. *D'oresnauant il sera sage,
Et à la fin grand personnage.*
- iii. *Il contrefaiët du sainët hermite,
Mais ce n'est qu'une chatemite.*
- iiii. *Tu pourras entrer si auant
Qu'en sortiras les pieds deuant.*
- v. *Ceste esmotion n'est pas grande,
Mais le batu payra l'amande.*
- vi. *Si tu regarde à ton affaire,
De medecin n'auras que faire.*
- vii. *Tu la croiras, si c'est à bien,
Si c'est à mal n'en croiras rien.*
- viii. *A main fenestre en occident
Le trouueras tout euident.*
- ix. *Seurez le, car l'heure en est bonne,
Si aussi l'aage s'y addonne.*
- x. *Tu seras comme ie dispose
Bien fortuné en mainte chose.*
- xi. *Il est de mauuaisse semence,
Bien peu viura comme ie pense.*
- xii. *Tel pense gagner qui perdra,
Cil qui a bon droit obtiendra.*

- i. *La fin du proces intenté
Bien tost le rendra contenté.*
- ii. *Faisant humblement ta requeste
Luy mettras le feu en la teste,*
- iii. *Par le moyen de ses amis
En son honneur sera remis.*
- iiii. *Il est deuot en cest endroit
Pour besongner un coup à droict.*
- v. *Cestuy ayme mieux paix que guerre,
Il ne mourra que sur sa terre.*
- vi. *La guerre est forte, & la saison
Nous menasse de trahison.*
- vii. *Si quelque mal au cueur te touche,
Pren medecine par la bouche.*
- viii. *N'en croyez rien, car la nouvelle
N'est ne veritable, ne telle.*
- ix. *Ne le cherchez point deormais,
Vous ne le trouuerez iamais.*
- x. *Seurez cest enfant seurement
S'il a des dens competement.*
- xi. *Tu auras fortune diuerse,
Vne fois bonne, un'autre aduersé.*
- xii. *Pour cest enfant i'ay arresté
Qu'il viura long temps en santé.*

- | | |
|-------|--|
| i. | <i>Cest enfant naturellement
Aura fort bon entendement.</i> |
| ii. | <i>Vostre proces n'aura durée,
Passant par la porte dorée.</i> |
| iii. | <i>Elle n'a bon iour ne demy
S'elle ne voit son doux amy.</i> |
| iiii. | <i>Si en bon lieu t'es arresté,
Mieux y vaut viure en liberté.</i> |
| v. | <i>Il aimera bonne doctrine,
Car sa nature y est encline.</i> |
| vi. | <i>Celuy qui plus se contregarde
Mourra le premier, quoy qu'il tarde.</i> |
| vii. | <i>L'un des deux, & fust il moins fort,
Vaincra celuy qui a le tort.</i> |
| viii. | <i>Ces medecins & mareschaux
Font mourir hommes & cheuaux.</i> |
| ix. | <i>Ces lettres n'ont aucun plaisir,
Sinon tristesse & desplaisir.</i> |
| x. | <i>Par un bauard fin & peruers
Tes secrets seront descouuers.</i> |
| xi. | <i>Il ne sera iour de leur vie
Qu'entr'eux n'y ait tousiours enuie.</i> |
| xii. | <i>Tu ne saurois grans biens acquerre,
Et deusses tu gratter la terre.</i> |

- i. *Si en Dieu metz ton assurance
Des biens auras en abondance.*
- ii. *Bon sens & bon esprit aura
Qui au besoin luy seruira.*
- iii. *Il vaut micux faire un bon accord
Que long temps viure en tel discord.*
- iiii. *Son amitié n'est que feintise
Autant ailleurs, c'est sa devise.*
- v. *Grand bien te fera, & grand heur
Que d'estre à un Roy seruiteur.*
- vi. *Il est trop tendre & delicat,
Pour par estudo estre aduocat.*
- vii. *Celuy qui est le plus mignon
Mourra deuant son compagnon.*
- viii. *Aucuns qui les verront debatre
Les accorderont sans combatre.*
- ix. *Du medecin ne fais estime,
Seulement garde bon regime.*
- x. *La lettre ne contient en somme
Rien qui doye desplaire à homme.*
- xi. *Quelque amy qu'auras irrité
En fin dira la verité.*
- xii. *Ils auront entr'eux grand discord,
Mais en la fin seront d'accord.*

- i. Ces deux freres comme il me semble
N'auront iamais accord ensemble.
- ii. Tu ne saurois grans biens auoir,
Ains despendras tout ton auoir.
- iii. Il sera fort ingenieux,
Encores plus malicieux.
- iiii. Je te conseille d'appointer,
Car les hommes sont à douter.
- v. Son amitié n'est qu'en la bourse,
Si lon ne baille elle se course.
- vi. Homme de cœur libre & loyal
N'entre point en estat royal.
- vii. Il a l'esprit prompt & volage,
Mieux aimera viure au village.
- viii. Celuy qui de parler s'auance
Le premier menera la dance.
- ix. L'assaillant a creu de leger,
Garde qu'il n'en tombe en danger.
- x. D'autant que la santé vous touche.
Ne prenez drogues par la bouche.
- xi. La lettre ne tient que propos
Pour tendre à paix & à repos.
- xii. Il sera sceu, & en brief temps,
Dont plusieurs seront mal contens.

- | | |
|-------|--|
| i. | <i>La chose sera bien celée,
Sans iamais estre reuelée.</i> |
| ii. | <i>Ils seront tous deux bons amis,
Si quelque discord n'y est mis.</i> |
| iii. | <i>Des biens auras à suffisance,
Si ton plaisir n'y fait nuisance.</i> |
| iiii. | <i>L'esprit vif & bon sens aura,
Mais facilement oubliera.</i> |
| v. | <i>Faveur de prince, ou grans seigneurs
N'a tant d'effect, que les donneurs.</i> |
| vi. | <i>Elle t'aime plus la moitié
Que ne luy portes d'amitié.</i> |
| vii. | <i>A homme libre au temps qui court
Ne fait pas bon suyure la court.</i> |
| viii. | <i>Il aimera toute science,
Et aura bonne conscience.</i> |
| ix. | <i>Celuy qui est le plus changé
Sera le premier vendangé.</i> |
| x. | <i>Si l'assillant son droit poursuit
Il en aura le los & bruit.</i> |
| xi. | <i>Ce qu'il ordonne est profitable,
Car c'est un me decin notable.</i> |
| xii. | <i>Ceste lettre est trop riotense
Il en viendra noise fascheuse.</i> |

- i. *Ne doutez point de ceste lettre,
On n'a voulu que bien y mettre.*
- ii. *La chose fut faite si bien
Que nul iamaïs n'en saura rien.*
- iii. *Ces deux freres s'aimeront fort
Si l'un à l'autre ne fait tort.*
- iiii. *Si tu es prompt & diligent
Iamaïs ne seras indigent.*
- v. *Il aura sur toute personne
Bon esprit & memoire bonne.*
- vi. *Poursuis sans cesse & importune,
En fin auras bonne fortune.*
- vii. *Elle aime bien, mais sa beauté
A peine tiendra loyauté.*
- viii. *Pour servir le Roy en ce temps
Beaucoup en a de mal contens.*
- ix. *Il est trop lourd, qui m'en croira
Iamaïs à l'escolle n'yra.*
- x. *Vous estes tous deux aduancez,
Pluſtost mourrez que ne pensez.*
- xi. *Je croy qu'ils auront tant d'amis
Qu'un bon accord y sera mis.*
- xii. *Il n'ordonne chose qui vaille,
Je n'en prendrois pour une maille.*

- i. *Ceste medecine est bien bonne,
Prenez la donc puis qu'on l'ordonne.*
- ii. *N'enquerez plus, ceste misſiue
Ne fait tort à homme qui viue.*
- iii. *Je ne ſay par qui ce ſera,
Mais en la fin on le ſaura.*
- iiii. *Ils ſeront tous deux bien d'accord
Si pour les biens n'y a diſcord.*
- v. *Recule vn peu pour mieux faillir,
Tu ne peux à grans biens faillir.*
- vi. *Ceſtuy aura s'on m'en veut croire
Peu de ſens & peu de memoire.*
- vii. *Pour le plus court au temps preſent
Il n'eſt que faire vn bon preſent.*
- viii. *Tu es aimé en ceſt endroit,
Si tu l'aimes, c'eſt à bon droit.*
- ix. *Il eſt bon que ſeruiſe on face
Maintenant pour entrer en grace.*
- x. *Si ſon eſprit eſt dur & rude,
Il apprendra par longue eſtude.*
- xi. *Le plus ieune, & le plus mignard
Premier mourra ſelon ceſt art.*
- xii. *Penſans leur querelle venger
Tous deux ſeront en grand danger.*

- i. Cest assaillant de la victoire
Emportera l'honneur & gloire.
- ii. Ne souffrez pas que l'on vous saigne,
S'autre medecin ne l'enseigne.
- iii. Ce n'est qu'une lettre commune,
Qui à nully n'est importune.
- iiii. Ton vice a beau estre celé,
Car en fin sera reuelé.
- v. Ces deux freres veu leur maintien
Ne s'accorderont iamais bien.
- vi. Riche seras competemment
Pour en auoir contentement.
- vii. Il sera fort prompt à comprendre,
Mais sa memoire sera tendre.
- viii. Il vaudroit mieux le tout quitter
Que si long temps solliciter.
- ix. Tu es discret, & as du bien,
Voila pourquoy on t'aime bien.
- x. Seruir en court ce n'est pas heur
A homme qui aime l'honneur.
- xi. Il aimera (s'on l'y veut mettre)
Toute science & bonne lettre.
- xii. Point n'en faut rompre son cerueau,
Aussi tost meurt vache que veau.

- i. Celuy d'entr'eux qui moins a d'aage
Aura sur l'autre l'avantage.
- ii. Le defendeur en ce debat
Aura victoire s'il combat.
- iii. Je vous veux bien certifier
Qu'il ne fait pas bon s'y fier.
- iiii. Ceste lettre contient nouvelle,
Qui n'est ne plaisante ne belle.
- v. La chose sera descouverte,
N'en doutez point, à gain ou perte.
- vi. Les deux freres dont tu t'enquiers
Ne s'aimeront pas volontiers.
- vii. Par avarice, & chicheté
Cestuy viendra en pauvreté.
- viii. A cest enfant nature donne
Grand esprit, & memoire bonne.
- ix. Vne belle soliciteure
Le fera iuger sans demeure.
- x. De ceste femme ie m'attens
Qu'elle t'aimera quelque temps.
- xi. D'estre à tel service arresté
Sera plus doux que liberté.
- xii. Il est pour apprendre la lettre
Si à l'escolle on le veut mettre.

- i. Il aura bonne ame, & encline
A toute bonne discipline.
- ii. Le plus vaillant des deux amis
Sera premier en terre mis.
- iii. Ils n'ont pas de combatre ennue,
Tous deux ont grand peur de leur vie.
- iiii. Si tu es delicat & tendre,
Mieux vaut t'en passer que d'en prendre.
- v. D'en sauoir plus auant ne tasche,
Car il n'y a rien qui te fasche.
- vi. De ton secret, pren assurance
Que nul n'en aura cognoissance.
- vii. Ces deux freres tant s'aimeront
Que rien à departir n'auront.
- viii. Tu es enclin de ta nature
A estre riche outre mesure.
- ix. Cest enfant (ou nature ment)
Sera sage parfaitement.
- x. Si vostre iuge est indigent
Le faut appaiser par argent.
- xi. Retire t'en si tu es sage,
Tel amour n'est pas heritage.
- xii. Entre hardiment en tel service,
Car la fortune t'est propice.

- i. *Si tu es homme de raison
Tu demourras en ta maison.*
- ii. *Il ne sera pas bon de mettre
Cestuy pour apprendre la lettre.*
- iii. *Jouez au sort, cil qui l'aura
Sera le premier qui mourra.*
- iiii. *Cest assillant s'il ne s'appaife
En trouuera la fin mauuaise.*
- v. *La medecine qu'il ordonne
S'elle est bien faite sera bonne.*
- vi. *Ceste misfuit tel cas porte
Qu'assez tost viendra qui la porte.*
- vii. *On le saura quoy qu'on retarde,
Par une langue babillarde.*
- viii. *Ces freres seront à blasmer
Dont ils ne pourront s'entr'aimer.*
- ix. *Par sa malice enrichira,
Mais en la fin tout s'en ira.*
- x. *Cestuy n'aura l'esprit bien fait,
En danger d'estre un fol parfait.*
- xi. *Poursuis & entens à ton fait,
Car la iustice est sans effect.*
- xii. *Retire toy de sa prison,
Son amour n'est que trahison.*

- i. *Assure toy, qu'as trouué dame
Qui t'aime mieux que sa propre ame.*
- ii. *Ce ne sera pas ton plus court
De maintenant servir en court.*
- iii. *Il sera doux & gracieux,
Et à l'estude curieux.*
- iiii. *Cestuy qui fait ceste demande,
Premier mourra, quoy qu'il attende.*
- v. *Croy qu'aucun mal ne se feront,
Leurs amis les appaiserent.*
- vi. *Ce qu'il ordonne est dangereux
Fust il medecin ou drogueux.*
- vii. *Ceste misisue en bon langage
Parle d'amours, ou mariage.*
- viii. *Ceste chose en secret tenue
A nul viuant sera cogneue.*
- ix. *Ils seront (ainsi que i'espere)
L'un à l'autre amy & bon frere.*
- x. *Cestuy aux richesses paruisent,
Si grand malheur ne luy aduient.*
- xi. *Fort bon sens par nature aura,
Mais ieunesse le gastera.*
- xii. *Si quelque present n'est touché,
Vostre proces est accroché.*

- i. Croyant par serment sa partie
La querelle est tost departie.
- ii. Il est bien aimé & sera,
Tant que bien aussi l'aimera.
- iii. Si tu desires qu'on t'avance,
Sers le Roy en faiçt de finance.
- iiii. En son esprit ie me confie
Qu'il aimera philosophie.
- v. Celuy qui est le plus sauant
Tout le premier ira deuant.
- vi. L'assaillant est de grand courage,
Et vengera bien son outrage.
- vii. La medecine qu'il ordonne
Trop affoiblira la personne.
- viii. Il n'y a aucun cas urgent,
C'est pour un marché, ou argent.
- ix. La chose bien celer se peut,
Nul n'en saura rien s'on ne vent.
- x. Ces deux contraires mœurs auront,
Mais pour honte ils s'accorderont.
- xi. Fais tant que tu voudras le chiche,
Iamais tu ne deviendras riche.
- xii. Il aura l'esprit si vollage
Qu'à peine iamais fera sage.

- i. *Iamais n'aura langue diserte,
Qui luy sera vne grand perte.*
- ii. *Par long tranail & grand effort
Les ennemis perdront le fort.*
- iii. *Il t'aime bien, & t'aimera,
Pour autre ne te changera.*
- iiii. *Cestuy regnera par long temps,
Ses suiets en seront contens.*
- v. *Si pour songer on se reueille,
Cest quelque chose de merueille.*
- vi. *Vis en espoir, & soyes seur
Que cil qui menasse aura peur.*
- vii. *Ne faites nul march  notable,
Car il ne seroit profitable.*
- viii. *Quelque chose a prins par la bouche
Qui viuement au c ur luy touche.*
- ix. *Ie te conseille escrire en vers
En propos cachez & conuers.*
- x. *Ceste chose ie te deuine
A tresmauuaise fin decline.*
- xi. *Celuy aura plus longue vie
Qui sur son frere a moins d'enuie.*
- xii. *Le bonnet rond luy est propice
Pour crocheter vn benefice.*

- i. Par son esprit & diligence
Riche sera plus qu'il ne pense.
- ii. Il sera meur en son parler,
Dont il pourra par tout aller.
- iii. Quelque bon accord se fera,
Dont tout le camp deslogera.
- iiii. Son amitié est peu louable,
Car il a le cœur variable.
- v. Il regnera plus qu'on ne pense,
S'aucun grand excès ne l'offense.
- vi. Le beau songe que tu as fait
Ne signifie aucun effect.
- vii. Tu es craintif & fort timide,
Petite peur te met en bride.
- viii. Si vous voulez rien acheter,
Je suis d'avis de vous haster.
- ix. Ce qui le rend si langoureux,
N'est que d'un bruage amoureux.
- x. Mets toute escriture en arriere,
Et ne te fie en chambrière.
- xi. Ceste chose aura fin ioyeuse,
Fortune y sera gracieuse.
- xii. Lequel mourra premier ne chaille,
Car rien n'est que la mort n'assaille.

- i. *Chacun des deux soit sur sa garde,
La mort l'un & l'autre regarde.*
- ii. *En vain cestuy travaillera,
Car pourtant riche ne sera.*
- iii. *Assez hardiment parlera,
Mais rien qui vaille ne dira.*
- iiii. *Ce fort sera prins sans faillir,
Qui le voudra bien assaillir.*
- v. *Tu n'en auras iamais bon heur,
De mettre en ses mains ton honneur.*
- vi. *Ce Roy bien peu de temps viura,
Car l'ennemy le poursuyura.*
- vii. *Ce, ou de iour auois pensè,
De nuit en songe est aduancè.*
- viii. *Tu es paoureux à tous aboys,
Qui fueilles craint ne voise au bois.*
- ix. *Qui maintenant achetera,
Grand chose, il s'en repentira.*
- x. *Ce n'est pas sort, mais vne femme
L'a fait ainsi, à fin qu'il l'aime.*
- xi. *Ne mets aucun escrit en voye,
Il faut que toy mesmes la voye.*
- xii. *Qui mieux ne s'y hazardera,
Iamais bien ne succedera.*

- i. *En rien douter ne conuiendra
Que tout à bonne fin viendra.*
- ii. *Celuy viura plus longuement
Qui se tiendra plus chaste ment.*
- iii. *Si tu peux femme à gré seruir,
Grans biens en pourras desseruir.*
- iiii. *Par beau parler plaisantera,
Dont grans seigneurs frequentera.*
- v. *Les ennemis rien n'y feront,
Mais bien faschez delogeront.*
- vi. *Son amitié n'est pas commune,
Si plusieurs aime, il n'en sert qu'une.*
- vii. *Ce Roy longuement regnera,
Mais ses suiets ruynera.*
- viii. *Du songe qu'on met en auant
Autant en emporte le vent.*
- ix. *De ceste peur en brief aura
Tel moyen qui l'assurera.*
- x. *Achetez ce qu'on vous veut vendre,
On pert bien souuent pour attendre.*
- xi. *Ne faut pour sort chercher remede,
Mais pour l'esprit qui le possede.*
- xii. *Telle miserie on fait tenir
Qui fait la dame au poinct venir.*

- i. *Si tu ne peux faire autrement,
Au moins escripts secretement.*
- ii. *La chose ou tu veux paruenir
Ne peut qu'à bonne fin venir.*
- iii. *Je dis (comme il aduient souuent)
Que le plus ieune ira deuant.*
- iiii. *Tu doibs auoir par ton estude,
Des biens en grand' beatitude.*
- v. *Il parlera mieux en tous cas,
Que ne feroient les aduocatz.*
- vi. *La place à present assiegee,
Sera destruiete & saccagee.*
- vii. *Il t'ayme bien, tu l'ayme aussi,
N'en aye donc plus de soulcý.*
- viii. *Plustost mourra au liét d'honneur,
Que d'estre pris en deshonneur.*
- ix. *Ce songe rien ne signifie
Qui soit vray, fol est qui s'y fie.*
- x. *Pour couardise, & lascheté
Oncq ne seras en seureté.*
- xi. *Si voulez achepter ou vendre,
Ne faictez rien sans conseil prendre.*
- xii. *Ce n'est qu'humeur melancolique,
Qui en fin le rendra ethique.*

- i. *S'il souffre mal, c'est pour son vice,
Car ce n'est sort ne malefice.*
- ii. *Les lettres, les amours accusent,
Pourtant sont fols ceux qui en usent.*
- iii. *Si l'entreprise est bien conduite,
A bonne fin sera reduite.*
- iiii. *Celuy des deux premier mourra
Qui le plus de biens acquerra.*
- v. *Il acquerra par l'accointance,
De grans seigneurs grande finance.*
- vi. *Cest enfant aura beau langage,
Et maintien d'homme honneste & sage.*
- vii. *On n'aura le fort sans bataille,
Si on permet qu'on l'ait aille.*
- viii. *N'ayez soucy ne ialousie,
Que sur autre il ait fantasie.*
- ix. *Ce regne est mal encommencé,
Aussi sera peu auancé.*
- x. *Ce songe est de grand' consequence,
Il merite bien qu'on y pense.*
- xi. *En seureté sera remis
Finablement par ses amis.*
- xii. *N'achetez rien ny ne vendez,
Je vous conseille qu'attendez.*

- i. *Mieux ne pourrois t'accommoder,
Que maintenant pour marchander.*
- ii. *Cestuy n'est point enforcelé,
Mais c'est un mal par trop celé.*
- iii. *Qui prend message ou escriture,
Met ses amours à l'adventure.*
- iiii. *La fin, l'entrée & les moyens,
Auront mout d'inconueniens.*
- v. *Celuy aura plus de durée,
Dont la fin est plus désirée.*
- vi. *Grans biens auras, mais sur le tard,
Encor sera par grand hazard.*
- vii. *Cestuy quelque chose qu'on face,
Ne parlera de bonne grace.*
- viii. *On le prendra s'on s'en efforce,
Par subtilité, ou par force.*
- ix. *Vostre amy n'est pas si leger,
Pour une autre de vous changer.*
- x. *Combien qu'il soit doux & clement,
Il ne regnera longuement.*
- xi. *Qui bien ce songe exposeroit,
La verité y trouueroit.*
- xii. *S'il a peur, qu'il voise à refuge
Demander assurance au iuge.*

- i. Ne sois point craintif & paoureux,
En fin auras barre sur eux.
- ii. Rien à present n'achepterez,
Ou vous perdrez ce qu'y mettrez.
- iii. Il est atteint de sorcerie,
Qui luy fera grand facherie.
- iiii. Il vouldroit mieux si tu es saige,
Toy mesme en faire le messaige.
- v. La chose dont tu veux sçauoir,
Ne doit pas bonne fin auoir.
- vi. Le plus auare & plus tacquin
Premier mourra comme vn coquin.
- vii. Si veux à seruir t'employer,
En fin en auras grand loyer.
- viii. En parler sera gracieux,
Mais en son port audacieux.
- ix. A ceux de dedans le cueur faut,
Ilz seront pris d'un seul assault.
- x. Il ne t'ayme que bien petit,
Car changement donne appetit.
- xi. Regner pourra par quelque espace,
Mais en fin quittera la place.
- xii. Vostre songe n'est que folie,
N'en prenez point melancolie.

- i. *Ce songe on doit pour vray tenir,
S'il n'est aduenu, doit venir.*
- ii. *N'aye de riens crainte ou frayeur,
Cil qui te menasse a grand peur.*
- iii. *L'heure, le tens, & les personnes,
Pour achepter te seront bonnes.*
- iiii. *Soyez seur qu'on ne luy fit onques.
Sort, ne malefice quelconques.*
- v. *L'amant discret, & bien appris,
Craint par missiue estre surpris.*
- vi. *Ceste chose quoy qu'il aduienne,
Ne peut qu'à bonne fin ne vienne.*
- vii. *Celuy doit viure d'auantage,
Qui de tous deux est le plus saige.*
- viii. *Soys diligent, fay ton debuoir,
Tu pourras grand richesse auoir.*
- ix. *Il sera facond, & affable,
A peine on verra son semblable.*
- x. *Tel chat ne se prent pas sans mouffles,
Quelqu'un y lairra ses pantouffles.*
- xi. *Il t'ayme bien ie t'en assure,
Soys luy ausy fidele & seur.*
- xii. *Il regnera quoy qu'on s'en dueille
Bien, & long temps, & Dieu le vueille.*

- i. *Il n'aura pas longue durée,
On a desia sa mort iurée.*
- ii. *Ne croyez rien de vostre songe,
Sinon que c'est vne mensonge.*
- iii. *Tu as grand peur, non sans propos,
Mais en briefseras à repos.*
- iiii. *N'achetez pour le present rien,
Car il ne vous en viendroit bien.*
- v. *Croyez c'est vraye sorcerie,
Qui pourra estre à temps guerie.*
- vi. *N'enuoyez lettre ne message,
Vous mesme en ferez d'auantage.*
- vii. *Auisez vous, car ceste chose
A mauuaise fin se dispose.*
- viii. *Celuy qui tient l'autre à mespris,
Sera pour vray le premier pris.*
- ix. *Par ton excessiue largesse
Tu n'auras iamais grand' richesse.*
- x. *En contrefaisant le plaisant,
D'autruy sera grand mesdisant.*
- xi. *Ce lieu par feu, force, & famine
En fin sera mis en ruyne.*
- xii. *En cest amy ne mets ton cœur,
Car pour certain c'est vn mocqueur.*

- i. *Tu as vn amy bien fidele,
Il faut aussi que luy sois telle.*
- ii. *Ce Roy fait fort bien gouverner,
Dieu le fera long temps regner.*
- iii. *Ce songe que lon me propose,
Signifie quelque grande chose.*
- iiii. *N'aye peur, mais garde toy bien,
Car tout en fin viendra à rien.*
- v. *L'heure est maintenant bien dispose
Pour trafiquer en quelque chose.*
- vi. *Ce n'est point sort quoy qu'en en die,
C'est naturelle maladie.*
- vii. *Escriuez luy subtilement.
Et enuoyez secretement.*
- viii. *Qui sagement se contiendra,
La chose à bonne fin viendra.*
- ix. *Ils sont bien loin de leur deces,
Si l'un des deux ne fait excès.*
- x. *Si tu te conduis sagement,
Tu enrichiras grandement.*
- xi. *Il aura langage agreable,
Le maintien doux & amiable.*
- xii. *Les enfermez sont si vaillans,
Qu'ils ne craindront les assaillans.*

- | | |
|-------|--|
| i. | <i>Bien tost qui de pres la tiendra,
La forteresse se rendra.</i> |
| ii. | <i>Tu es d'un bon amy pourueue,
Qui ne te lairra despourueue.</i> |
| iii. | <i>Ce Roy dont on parle, soit seur
D'auoir bien tost vn successeur.</i> |
| iiii. | <i>Tu en croyras ce que voudras,
Mais pour ce songe tu craindras.</i> |
| v. | <i>Il faut en toy prendre esperance,
Car bien tost auras assurance.</i> |
| vi. | <i>Il faict bon pour faire partaige,
Ou achepter quelque heritaige.</i> |
| vii. | <i>Ce n'est sort n'incantation,
Mais folle imagination.</i> |
| viii. | <i>Si elle escript, & sçait bien lire,
Danger n'y a de luy escripre.</i> |
| ix. | <i>Poursuys viuement, importune,
A la fin t'aydera fortune.</i> |
| x. | <i>Celuy qui plus estudiera,
Premier à l'autre à Dieu dira.</i> |
| xi. | <i>A marchander & traffiquer,
Grans biens tu pourrois practiquer.</i> |
| xii. | <i>Assez de langaige il aura,
Mais rien à propos ne dira.</i> |

- i. *Il ne vaudra riens à l'estude,
Car il aura l'esprit trop rude.*
- ii. *A son honneur, quoy qu'il endure,
Il se vengera de l'iniure.*
- iii. *Cest amour ne faudra iamais
Que par l'amy, ie vous prometx.*
- iiii. *Ce Roy est de bonne nature,
A un chacun fera droiciture.*
- v. *Le songe dont es en malaise,
Predict quelque chose mauuaise.*
- vi. *Il est de soy bien fortuné,
Pour iamais n'estre empoisonné.*
- vii. *Cessez d'en faire plus querelle,
Car iamais n'en orrez nouvelle.*
- viii. *Si ce tesmoing est bien traicté,
Il dira plus que verité.*
- ix. *Il faut que le mary trauille,
S'il veut auoir enfant qui vaille.*
- x. *Quoy que l'enfant iamais ne fit,
De le croire c'est son proffit.*
- xi. *Ilz n'auront ia par leur proësse,
Ne grand honneur ne grand richesse.*
- xii. *N'espere point auoir grans biens,
Ieune ne vieil, tu n'auras riens.*

- i. Grans biens auras & ieune & vieux
En despit de tes enuieux.
- ii. De sa nature il sera sage,
S'il n'apprent sera grand dommage.
- iii. Si tu te veux en Dieu soumettre,
Tu seras vengé, sans main mettre.
- iiii. Cest amour faudra par l'amie,
Qui fera faute & infamie.
- v. Ce Roy de conseil vsera
En tous les actes qu'il fera.
- vi. Ce songe qu'as en fantasie
Vient d'un humeur de ia!ousie.
- vii. Garde toy que ceux qui te hantent
Quelque poison ne te presentent.
- viii. Ceste chose sera sans doute
Reconuerte en partie, ou toute
- ix. Cestuy est droit & veritable,
Aussi est personne notable.
- x. Ils auront selon leur desir
Grand nombre d'enfans à plaisir.
- xi. Tu cognoistras si tu es sage
Qui est son pere à son visage.
- xii. A tous deux grans biens sont promis,
Mais ils auront bien peu d'amis.

- i. *Si l'aîné poursuit sa fortune,*
La trouuera plus opportune.
- ii. *Si tu ne te mets au hazard,*
Riche ne seras tost ne tard.
- iii. *Il seroit meilleur cheualier*
Qu'il ne sera bon escolier.
- iiii. *De soy venger n'ait point d'espoir,*
Car il n'a moyen ne pouuoir.
- v. *La fin en sera peu louable,*
Car l'un & l'autre est variable.
- vi. *Il ne faut point qu'on luy conteste,*
Car rien ne fera qu'à sa teste.
- vii. *Ton songe predict & reuclé*
Quelque succession nouvelle.
- viii. *N'aye point peur qu'on t'empoisonne*
Si plus grand' cause on ne t'en donne.
- ix. *D'oresnauant prenez mieux garde*
Sur le surplus qu'on ne le perde.
- x. *Cestuy saura le bien celer,*
Et le mal dire & reueler.
- xi. *Ils sont mal conioints ce me semble,*
Pour auoir des enfans ensemble.
- xii. *Ne faut point que le pere tasche*
D'auoir responce qui le fasche.

- i. Sa mere qui en releua,
Diroit bien comment il en va.
- ii. Si le puisné veult prosperer,
A la court se doibt retirer.
- iii. Il sera riche sans tarder,
S'il se peut des femmes garder.
- iiii. Si le voulez aux armes mettre,
Plus proffitera qu'à la lettre.
- v. Dissimule un peu, & endure,
En fin vengeras ceste iniure.
- vi. Ceste amitié tant durera,
Que la mort les separera.
- vii. Ce Roy est propre à tel office,
Car il ayme Dieu & iustice.
- viii. Ce songe vient de teste creuse,
La fin en sera dangereuse.
- ix. N'en faut point auoir de soucy,
Car tu ne mourras pas ainzy.
- x. Le larron auez à la suyte,
Si tant peu en faictes poursuyte.
- xi. Ce tesmoing est homme de bien,
Ce qu'il dira ne nuyra rien.
- xii. Ilz en auront, mais que la dame
Face debuoir d'honneste femme.

- i. *Assez auront, & filz & filles,
Car pour engendrer sont habiles.*
- ii. *Encor faut il qu'il ayt un pere,
Mais ie n'en croiray que la mere.*
- iii. *L'aisné par femme doibt auoir
Bonne fortune, & grand auoir.*
- iiii. *Pour tout certain riche seras
Deslors que tu n'y penseras.*
- v. *S'il suyt l'estude en son ieune aage,
Il deuiendra grand personnage.*
- vi. *Tel souuent pense (& se tourmente)
Venger sa honte, qui l'augmente.*
- vii. *L'amitié par dons procuree,
Ne peut auoir longue durée.*
- viii. *Cestuy fera en tous endroictz
Observer iustice & les droictz.*
- ix. *Ce songe predict vn bon heur,
Ou le songeux aura honneur.*
- x. *Si tu te doubtes de poison,
Ne pren repas hors ta maison.*
- xi. *Pour quelque cas qu'ayez perdu
N'en soit vostre esprit esperdu.*
- xii. *Ce tesmoing pourroit trop parler.
Car il ne peut dissimuler.*

- i. Ce tesmoin verité dira,
De ce qu'on luy demandera.
- ii. Ils auront des enfans assez,
Avant que leurs ans soyent passez.
- iii. Il ne faut point qu'on impropere
Au mary qu'il n'en soit le pere.
- iiii. Le ieune s'il est bien instruit,
Fera un iour quelque grand fruiet.
- v. Quand du plaisir seras forclus,
Tu auras des biens tant & plus.
- vi. Il a l'esprit prompt & idoine
A tout mal, le faut faire moyne.
- vii. Si on t'a fait iniure & tort,
Vengé seras iusqu'à la mort.
- viii. Leur amour n'est que volupté,
Qui s'en va comme la beauté.
- ix. Par trop son peuple chargera,
De tributs qu'il exigera.
- x. Ce songe, si bien on le poise,
Signifie ennemis ou noise.
- xi. Tu n'es en danger ie t'asseure
D'autre poison que de luxure.
- xii. Oubliez, la chose est perdue,
Car i jamais ne sera rendue.

- i. *Faites le bien par tout chercher,
En brief l'aurez, sans vous fascher.*
- ii. *Ce qu'il en fait il le dira
A cil qui l'interrogera.*
- iii. *Ils ne fandront pas qu'ils n'en ayent,
Mais si c'est tard, qu'ils ne s'esmayent.*
- iiii. *La mere est sage & n'a forfait,
Partant c'est son pere en effect.*
- v. *L'ainé aura grand alliance,
Et de hants seigneurs l'acointance.*
- vi. *Modere ta folle ieunesse
Si tu veux auoir grand richesse.*
- vii. *Cest enfant est de bonne indole
Pour apprendre, & mettre à l'escole.*
- viii. *Il te faut au seul Dieu ranger
Car nul ne t'en peut mieux venger.*
- ix. *Tel amour ne pourra faillir,
Que mort ne les vienne assaillir.*
- x. *Ce Roy n'est bon pour gouuerner,
Il va ou on le veut mener.*
- xi. *Ce songe si bien tu l'entends,
Te dit qu'auras ce que pretend.*
- xii. *Il ne faut boire ne manger,
Hors sa maison pour le danger.*

- i. *Si tu es riche & opulent,
Pour ta santé soys vigilant.*
- ii. *N'y pensez plus car c'en est faict,
Ou ie suis un menteur parfaict.*
- iii. *Ne t'attens pas que rien depose,
Pour te servir de quelque chose.*
- iiii. *La femme est chiche & trop active,
Iamais n'aura enfant qui viue.*
- v. *Ne faictes point ce vitupere,
Au mary, car c'est le vray pere.*
- vi. *Le ieune à grans biens paruiendra,
Par un bon heur qui luy viendra.*
- vii. *N'espere point sinon bien tard,
Avoir des biens de quelque part.*
- viii. *L'enfant n'apprendra iamais rien,
Mettez le ailleurs, vous ferez bien.*
- ix. *Tu te mettras en grand danger,
Et si ne t'en pourras venger.*
- x. *Ceste amitié mal commencée,
Entr'eulx sera bien tost laissée.*
- xi. *En luy n'aura que villannie,
Que cruaulté & tyrannie.*
- xii. *Ce songe en effect apparent,
Predict la mort d'un tien parent.*

- i. De ce songe vous certifie,
Qu'un mariage signifie.
- ii. Ne pense qu'on cherche ta vie,
Aucun n'a dessus toy envie.
- iii. Ne croyez point que ce soit perte,
Car bien tost sera recouuerte.
- iiii. Cestuy la verité dira,
Mais s'il peut à nul ne nuira.
- v. Ils auront grand nombre d'enfans,
Qui seront beaux & triomphans.
- vi. Ce pere doit l'aduouër sien,
Car il luy ressemble assez bien.
- vii. Le plus ieune par bon service,
Aura estat, ou benefice.
- viii. Soit en ieunesse, ou en vieillesse,
Toujours aura grande richesse.
- ix. Bon seroit aux lettres, & mieux
S'on le faisoit religieux.
- x. Tu pourras honnorablement
Venger le cas finalement.
- xi. La mort seule aura la puissance
De dissoudre telle alliance.
- xii. Ce Roy cruel, & sans pitié
N'aura à son peuple amitié.

- | | |
|-------|--|
| i. | <i>Ce Roy sera sur tous inique,
Et sur son peuple tyrannique.</i> |
| ii. | <i>Ce songe veut signifier
Qu'il ne se faut en nul fier.</i> |
| iii. | <i>Tu crains la poison à merueilles,
Pour t'en sauuer faut que tu veilles.</i> |
| iiii. | <i>N'y pensez plus, quoy? c'est fortune,
Vous n'en recouurez chose aucune.</i> |
| v. | <i>Ce tesmoin qui l'introduira,
Dira tel cas qui te nuira.</i> |
| vi. | <i>La femme est mal accompagnée
Pou en auoir grande lignée.</i> |
| vii. | <i>Le pere doit estre celuy
Qui doit sauoir s'il est à luy.</i> |
| viii. | <i>Qui mieux à l'estude entendra,
Sera celuy qui paruiendra.</i> |
| ix. | <i>Grans biens n'aura en general,
Car il sera trop liberal.</i> |
| x. | <i>N'estimez que iamais puisse estre
Pour estudier quelque grand maistre.</i> |
| xi. | <i>Si de l'inire on t'offre amende,
Accepte la, je te commande.</i> |
| xii. | <i>Par l'amie trop dissoluë,
L'amitié sera resoluë.</i> |

- | | |
|-------|---|
| i. | <i>Ceste amitié continuera,
Et iusqu'à la mort durera.</i> |
| ii. | <i>En bonne equité regnera,
Et sagement gouvernera.</i> |
| iii. | <i>Qui pense à mal, à mal il songe,
Son cœur malin sans fin se ronge.</i> |
| iiii. | <i>Non sans raison, tu crains poison,
Ne mange point hors ta maison.</i> |
| v. | <i>Ne vous fâchez aucunement,
Le tout v' aurez entierement.</i> |
| vi. | <i>Cestuy dira la verité,
Dont quelqu'un sera irrité.</i> |
| vii. | <i>Le pere en fait bien son deuoir,
Il doit plusieurs enfans auoir.</i> |
| viii. | <i>Chacun pour verité le tient
Que c'est à luy qu'il appartient,</i> |
| ix. | <i>Le puisné sera diligent,
Et moins que son frere indigent.</i> |
| x. | <i>Ton bon esprit fait grand promesse
Qu'auras des biens dès ta ieunesse.</i> |
| xi. | <i>Il n'aura iamaïs habitude
Ny au couuent, ny à l'estude.</i> |
| xii. | <i>Dissimule vn peu ceste iniure,
Tel n'est pas vaincu qui endure.</i> |

- | | |
|-------|---|
| i. | <i>De telle iniure & violence
En brief saura prendre vengeance.</i> |
| ii. | <i>Cest' amour tiendra longuement,
S'ils s'y gouvernent sagement.</i> |
| iii. | <i>Sous sa Royale maiesté
Son peuple aura felicité.</i> |
| iiii. | <i>Le songe dont tu te desie
Rien que tout bien ne signifie.</i> |
| v. | <i>Il est subtil & bien saura
Donner ordre que mal n'aura.</i> |
| vi. | <i>De recouurer la perte auez
Assez moyen, si le trouuez.</i> |
| vii. | <i>C'est un finet, comment qu'il aille
Il ne dira chose qui vaille.</i> |
| viii. | <i>Ia n'auront enfans, & le blasme
En tournera dessus la femme.</i> |
| ix. | <i>Croire il en faut sans contredit
Ce que la mere en aura dit.</i> |
| x. | <i>Le plus petit par son bon sens,
Riche sera plus que cinq cens.</i> |
| xi. | <i>Si tost que voudras prendre peine,
De biens verras ta maison pleine.</i> |
| xii. | <i>S'il vouloit aux lettres entendre,
C'est le meilleur qu'il pourroit prendre.</i> |

- i. *Faites luy sa grammaire apprendre,*
Vous ne pouuez en ce mesprendre.
- ii. *Pour son bon sens, est arresté*
Qu'il sera mis en liberté.
- iii. *La dame aime d'amour louable,*
L'amy ne fait pas le semblable.
- iiii. *De ce Roy on doit estimer*
Qu'il se fera craindre & aimer.
- v. *Par ce presage tu dois faire*
En diligence ton affaire.
- vi. *Ce n'est venin, quoy qu'on en die,*
Mais naturelle maladie.
- vii. *Il n'est deduit que de la chasse,*
Et poursuyr la beste à la trace.
- viii. *Son bannissement & malheur*
Luy causera de son malheur.
- ix. *Je croy qu'il tient à tous les deux,*
Pour la grand auarice d'eux.
- x. *S'il vit ou s'il meurt ne vous chaille,*
Vous n'en amendez d'une maille.
- xi. *Cherche autre par ton alliance,*
Car cestuy n'est à ma plaisance.
- xii. *Tu n'auras grans biens par nature,*
Ne par art, ne par aduenture.

- i. Des biens aura tant qu'il voudra,
On sa fortune luy faudra.
- ii. La science de chacun droit
Luy sera propice & à droit.
- iii. En brief sera hors prison mis,
Par le moyen de ses amis.
- iiii. A cest amant ie donne blasme
De froidement aimer sa dame.
- v. On en fera bien peu de conte,
Car de mal viure il n'aura horre.
- vi. Ce presage sans doute aucune
Signifie bonne fortune.
- vii. Ce sont humeurs qui le destruisent,
Et plus que la poison luy nuisent.
- viii. La chasse est bien plus merueilleuse
En l'air, qu'au bois, & plus ioyeuse.
- ix. Cestuy sera par tout remis,
Malgré de tous ses ennemis.
- x. Pourtant si la femme retarde,
Si en auront ils quoy qu'il tarde.
- xi. Qu'en sa mort aucun ne s'attende,
Il n'en a veine qui y tende.
- xii. Il t'aime & ne voit qu'à demy,
Sois luy semblablement amy.

- i. *En luy n'y a point d'assurance,*
Pourtant n'y faut avoir fiance.
- ii. *Tout ce que par art luy viendra*
Follement il le despendra.
- iii. *Il aimera la medecine,*
C'est la science ou plus s'encline.
- iiii. *Difficile est trouver la voye,*
Qu'en liberté i jamais se voye.
- v. *Des deux ne diray autrement,*
Fors que l'un aime, & l'autre ment.
- vi. *De ses suiets maudit sera,*
Car leur substance exigera.
- vii. *Je t'assure que tel presage,*
Predit quelque perte & dommage.
- viii. *Poison y a, & à grand' peine*
En guerira de la sepmaine.
- ix. *C'est grand plaisir de voir aux bois*
Quelque sanglier mettre aux abbois.
- x. *Sa liberté est amortie,*
Pour avoir trop forte partie.
- xi. *Le mary est par trop ardant,*
Sa femme attendra cependant.
- xii. *Qu'il dispose de sa maison,*
Car de partir il est saison.

- i. *Si de faire excès il se garde,
De mourir encor il n'a garde.*
- ii. *L'amy dernier qu'avez acquis,
Sera sur tous le plus exquis.*
- iii. *Telle aduventure luy viendra,
Qu'à grand' richesse paruiendra.*
- iiii. *Je dis que son esprit s'applique,
Pour bien apprendre la musique.*
- v. *Il s'y conduira finement,
Dont en sortira briuement.*
- vi. *Ces deux amans comme il me semble
Sont bien associez ensemble.*
- vii. *Ce Roy de bonté l'exemplaire
Aimé sera du populaire.*
- viii. *Ce presage est signe apparent
De la mort d'un proche parent.*
- ix. *Croyez qu'il n'est empoisonné,
Quelque cas qu'on luy ait donné.*
- x. *Les dames n'ont autre desir,
Qu'à leurs faucons prendre plaisir.*
- xi. *Vn bon amy le soustiendra,
Si bien qu'à la fin reuiendra.*
- xii. *La dame est bien faite, & ne tient
Qu'à son mary qu'elle soustient.*

- i. *Il peut à la dame tenir,
Qui ne sait pas au poinct veir.*
- ii. *Cestuy viura (comme i' afferme)
Iusques à son naturel terme.*
- iii. *Cestuy est loyal & fidele,
Et son amour est de bon zele.*
- iiii. *Tu auras un iour grand richesse,
Par ton esprit & par finesse.*
- v. *Il aimera philosophie,
Son naturel le signifie.*
- vi. *On porte au captif telle enuie,
Qu'il y sera toute sa vie.*
- vii. *L'amant a le cœur plus vollage,
La dame a bien meilleur courage.*
- viii. *On l'aimera, & le craindra
Lors que iustice entretiendra.*
- ix. *De ce presage ie tesmoigne,
Qu'il te predict honte & vergogne.*
- x. *On luy a fait certainement
Tel cas qui luy nuit grandement.*
- xi. *L'un & l'autre sont fort ioyeux,
Mais la chasse i'aimerois mieux.*
- xii. *Ie ne pense pas qu'il aduienne
Que iamais en grace reuienne.*

- i. *Encor sera finalement
R'appellé honorablement.*
- ii. *Le mary n'en doit auoir blasme,
En luy ne tient, c'est à la dame.*
- iii. *Encores viura longuement,
Mais qu'il se garde sagement.*
- iiii. *A seureté le dois aimer,
Car en luy n'y a point d'amer.*
- v. *Il aura naturellement
Grans biens à son commandement.*
- vi. *Il pourra estre en lettre sainte
Vn grand docteur, ce n'est pas sainte.*
- vii. *I'ay de cestuy bonne esperance
Qu'en brief aura sa deliurance.*
- viii. *L'amant est plus ferme & constant,
La dame ne l'aime pas tant.*
- ix. *Il sera gracieux & doux,
Il se fera aimer de tous.*
- x. *Ce signe ne predit que ioye,
Et d'un bon heur que Dieu t'enuoye.*
- xi. *Ce n'est le venin qui l'opresse,
Mais le reliqua de ieunesse.*
- xii. *Je louè la course & deduit
D'un bon leurier qui est bien duit.*

- i. C'est grand plaisir d'un lieure pris
Par chiens courans & bien appris.
- ii. Il est banny à tousioursmais,
Croyez qu'il n'en viendra iamais.
- iii. La dame n'en doit blasme auoir,
Car elle en fait bien son deuoir.
- iiii. Il viura le cours de son aage,
N'en enquerez rien d'auantage.
- v. Cestuy, encor qu'il soit aimable,
A mon aduis sera muable.
- vi. Des biens auras en abondance
Par bon esprit & prouidence.
- vii. Il sera (quoy qu'il estudie)
Un gros animal d'Arcadie.
- viii. Cestuy trouuera le moyen
De sortir hors sans payer rien.
- ix. De toy l'amour est foible & lent,
Mais le sien est plus violent.
- x. Ce Roy sera victorieux,
Dont son peuple l'aimera mieux.
- xi. Ce dont t'enquiers, est un presage
Que tu dois prendre en bon usage.
- xii. C'est poison qu'il consummera,
Et dont briuement guerira.

- i. *On luy a fait boire ou manger
Tel cas dont il est en danger.*
- ii. *Le gentil faulcon a grand cœur,
C'est vn plaisir s'il est vainqueur.*
- iii. *Ne pensez pas iamais le voir
De son bien iouyssance auoir.*
- iiii. *Ne l'un ne l'autre fait deuoir,
Soit pour fournir ou receuoir.*
- v. *Sa nature est trop refroidie,
En brief mourra par maladie.*
- vi. *Si tu l'aimes il t'aimera,
Sois luy fidele, aussy sera.*
- vii. *Il n'aura ia bonne aduventure,
Soit par art, fortune, ou nature.*
- viii. *Cestuy mettra toute sa cure,
A voir les secrets de nature.*
- ix. *S'autre aduventure ne l'emmaine,
Il n'en sortira de sepmaine.*
- x. *Leur amitié change souuent,
Elle est plus legere que vent.*
- xi. *Vn Roy n'est digne d'amitié,
Qui du peuple n'aura pitié.*
- xii. *Ce presage dont as frayeur
T'aduertit de quelque malheur.*

- i. Ce presage de sa nature
Predit quelque bonne aduventure.
- ii. Croyez que cestuy ne beut onques
De venin, ne poison quelconques.
- iii. Les chiens & les oiseaux ensemble,
C'est un grand plaisir ce me semble.
- iiii. Cestuy sera comme i'entens,
Remis par tout dans certain temps.
- v. La dame est prompte à recevoir,
Mais bien tardine à concevoir.
- vi. Cestuy viura plus volontiers,
Que ne voudront ses heritiers.
- vii. Ce compagnon dont tu t'enquiers
Sera fidele volontiers.
- viii. Fortune, nature, & raison,
Te donneront riche maison.
- ix. L'estude de la loy ciuile
Luy sera propice & utile.
- x. Il a bien moyen d'en sortir,
Mais il n'est pas temps de partir.
- xi. Tous deux aiment d'affection,
Il n'y a point de fiction.
- xii. Il regnera si iustement
Qu'on l'aimera parfaitement.

- i. *Le pauvre peuple n'aimera
Ce Roy qui trop le pillera.*
- ii. *Ne t'arreste point au presage,
En Dieu te fie, & seras sage.*
- iii. *Cestuy a, ou ie suis mocqueur,
Quelque venin dessus le cœur.*
- iiii. *L'oiseau donne plaisir aux yeux,
Qui fait que son vol i' aime mieux.*
- v. *Il n'est pas prest d'estre remis,
S'il n'a plus grand secours d'amis.*
- vi. *L'un est trop froid, & l'autre chaud,
L'un trop s'auance, & l'autre faut.*
- vii. *Ne t'enquiers point dessus sa vie,
Il viura plus que n'as envie.*
- viii. *En cest amy a tel deffaut,
Que ce n'est pas ce qu'il te faut.*
- ix. *Il sera pauvre & langoureux,
Car i'amaïs ne sera heureux.*
- x. *Il aimera mieux quelque histoire
Et les armes que l'escritoire.*
- xi. *Il n'en sera i'amaïs hors mis,
Si ce n'est à force d'amis.*
- xii. *La dame a le cœur plus entier,
Car l'amy n'est qu'un villotier.*

- i. *Ils sont tous deux vrais amoureux,
Te ne sçay qui aime le mieux.*
- ii. *Cestuy sera fort estimé,
Et de son peuple bien aimé.*
- iii. *En ce presage y a bon heur,
Il te predict ioye & honneur.*
- iiii. *Ce n'est venin qui luy meffait,
Mais un grand excès qu'il a fait.*
- v. *La chasse ie voudrois choisir,
Pour mieux en auoir mon plaisir.*
- vi. *Il aura tant de bons amis,
Qu'en ses estats sera remis.*
- vii. *La dame est prestè à conceuoir,
Si l'homme faisoit son deuoir.*
- viii. *Long temps viura selon nature,
S'il n'est affoibli par luxure.*
- ix. *Cestuy est amiable & doux,
Il sera fidele sur tous.*
- x. *Cestuy aura quelque bon heur,
Dont sera riche & en honneur.*
- xi. *Toute science delectable
Luy sera bonne & profitable.*
- xii. *Par quelque accord & par finance,
En brief aura sa deliurance.*

- i. *Ce prisonnier sera deliure
Prochainement ce dit ce liure.*
- ii. *L'amy doit auoir l'auantage,
Quoy qu'elle aime de bon courage.*
- iii. *Pere du peuple on le dira,
Car le bien commun gardera.*
- iiii. *Par ce presage dois preuoir
Qu'il te faut faire ton deuoir.*
- v. *Il a senti quelque air infect,
Qui le rend si palle & deffait.*
- vi. *La chasse sans l'oiseau se fait,
Sans chiens l'oiseau a peu d'effect.*
- vii. *Par son esprit si bien saura
Poursuyr son r'appel, qu'il l'aura.*
- viii. *S'ils n'ont tous deux enfans en somme,
Certes il ne tient pas à l'homme.*
- ix. *Tel de son pere à la mort pense,
Qui premier ira à la danse.*
- x. *En luy n'y a point de demy,
Toufiours sera parfait amy.*
- xi. *Tu seras tant auare & chiche,
Que sur la fin deuiendras riche.*
- xii. *Il aimera toute science,
Pour en auoir l'experience.*

- i. *Il est rustiq de sa nature,
Qu'on le mette à l'agriculture.*
- ii. *Quelque tristesse qu'on te voye,
En fin sera tournée en ioye.*
- iii. *Il aime ton bien & honneur,
D'avoir tel amy c'est bon heur.*
- iiii. *Cestuy sera riche & puissant,
Et son royaume florissant.*
- v. *N'allez chercher en tant de lieux
La verité, en ces faux dieux.*
- vi. *Ceste mort est bonne de foy,
Quand on la souffre pour la foy.*
- vii. *De te marier n'aye envie,
Mais sois garçon toute ta vie.*
- viii. *Il servira de bonne grace,
Encor qu'il fust de noble race.*
- ix. *C'est qu'elle est grasse & en bon point,
Car d'enfant elle n'en a point.*
- x. *Ne t'attends pas d'avoir grans biens
Par la succession des tiens.*
- xi. *Il n'est pas bon pour ta mesgnie,
Cherche ailleurs autre compagnie.*
- xii. *D'avoir iamaïs n'aye assurance
Ce que tu as en esperance.*

- i. *A ton plaisir & en brief temps
Auras la chose que pretens.*
- ii. *S'il escrit bien fay le notaire,
Tabellion ou secretaire.*
- iii. *Ne sois fâché, car ta tristesse
En fin tournera en liesse.*
- iiii. *En cest amy n'aye fiance,
Car ie n'y voy point d'assurance.*
- v. *En guerre n'aura son pareil,
Car il fera tout par conseil.*
- vi. *Trouver pourras tel homme à point
Qui du faict ne mentira point.*
- vii. *La mort est bonne en sa prouince,
Pour soustenir le droit du Prince.*
- viii. *De bonne mere pren la fille,
Le marier t'est fort utile.*
- ix. *Il sera de noble nature,
Et franc sur toute creature.*
- x. *Elle est d'un enfant grosse & pleine,
Luy luy donnera beaucoup de peine.*
- xi. *Il sera opulent en biens,
Par la succession des siens.*
- xii. *Say le hardiment tel qu'il soit,
Bien fin sera s'il te deçoit.*

- i. Il ne te faut l'accompagner,
A perdre y a plus qu'à gagner.
- ii. Il n'a la fortune prospere,
Pour obtenir ce qu'il espere.
- iii. Cestuy volontiers apprendra,
Tout ce qu'aux armes conuiendra.
- iiii. En teste tristesse il mourra,
Car amander ne la pourra.
- v. Il n'est amy, mais vn moqueur,
Garde toy d'y mettre ton cœur.
- vi. S'on ne le cherche, il cherchera,
Et d'auoir guerre taschera.
- vii. Par Geomance on te dira
De ton faict comment il ira.
- viii. La mort est tousiours rigoureuse,
Bien peu en est qui soit heureuse.
- ix. Si me crois ne te mariras,
Car ialoux ou cocu seras.
- x. Cestuy tant qu'il sera viuant
Sera vn seruiteur seruant.
- xi. Aucun enfant n'a dans le ventre,
Mettre y en faut, ou qu'il y entre.
- xii. D'auoir succession qui vaille
Ne t'y attens, partant traueille.

- i. Tu peux auoir si tu es sage
Dotes parens grand heritage.
- ii. Il est digne qu'on l'accompagne,
Sans le laisser en la campagne.
- iii. Il aura tout ce qu'il attend
En la maniere qu'il pretend.
- iiii. Fais luy apprendre la peinture,
Et les pourtraits d'architecture.
- v. Quoy qu'il endure iours & nuicts
Il sortira de ses ennuis.
- vi. Cest amy est bon & loyal,
Aussi luy dois estre feal.
- vii. Lors que la guerre finera,
Son peuple en paix gouvernera.
- viii. Ne croyez en aucun deuin,
Qui rien ne dit s'il n'a le vin.
- ix. La mort du bien viuant desire,
Celle du pecheur est la pire.
- x. Si tu veux viure & auoir ioye,
Suy de mariage la voye.
- xi. Nature le fait noble & franc,
Plus que ne fait le noble sang.
- xii. Elle est grosse comme s'entens,
Mais il n'y a pas fort long temps.

- i. Si grosse n'est ne luy soit grief,
Car elle le sera de brief.
- ii. Encor auras comme i'espere,
Quelque iour les biens de ton pere.
- iii. Sa compagnie est bonne & belle,
La tienne luy soit aussi telle.
- iiii. Il aura la chose sans doute,
Qu'il espere en partie ou toute.
- v. Faites luy apprendre à escrire,
A bien conter, & à bien lire.
- vi. Il est fasché de telle sorte,
Qu'à peine aura qui le conforte.
- vii. Cestuy est desloyal & faux,
Ce n'est pas bien ce qu'il te faut.
- viii. Tant qu'il ait bien senti la guerre,
Il n'aura la paix sur sa terre.
- ix. C'est un abus, & croire en vain
D'aiouster foy à un deuin.
- x. Je priserois la mort soudaine,
Pource qu'on meurt à moindre peine.
- xi. Garde t'en bien, car qui se charge,
De femme, prent vne grand charge.
- xii. Il sera de moyenne guise,
Entre seruitude & franchise.

- i. Il aura bonne nourriture,
Et sera de franche nature.
- ii. F'asséure bien qu'elle est enceinte
D'un bel enfant, ce n'est pas faincte.
- iii. D'amander rien ne t'attens pas
Par testament ne par trespass.
- iiii. Accompaignez ceste personne,
Car sa compagnie est tresbonne.
- v. Ce que tu pretendis est ton heur,
Aussi l'auras à grand honneur.
- vi. S'on le fait orfeure ou changeur,
En l'or aura & au change heur.
- vii. Ceste tristesse cessera,
Et fort ioyeux en brief sera.
- viii. Cestuy te monstra par effect
Qu'il est vray amy & parfait.
- ix. Mieux aimera paix acheter,
Qu'en guerre ses gens molester.
- x. Ne crains point l'esprit esprouver
Pour verisé en luy trouver.
- xi. En langueur la vie est trop chere,
Moins viure, & faire bonne chere.
- xii. Soy marier ce n'est point vice,
Mais garde d'entrer en service.

- i. Pour empescher qu'il ne varie,
Je suis d'avis qu'il se marie.
- ii. Son esprit sera dur & rude,
Et destiné à servitude.
- iii. Il la faut un peu soulager,
Car elle est grosse & en danger.
- iiii. Ne t'attens point à ton parent
Pour estre riche & apparent.
- v. Si ce n'est bien à grand besoin,
De l'accompagner n'aye soin.
- vi. Il aura le bien pretendu
Quand il aura bien attendu.
- vii. Cestuy la mer frequentera,
Et grans biens en r'apportera.
- viii. Si tu audis en toy constance,
Tu ferois au dueil resistance.
- ix. Tu ne luy diras ton affaire,
Sinon autant qu'en as affaire.
- x. Par son esprit tiendra paisible
Son peuple tant qu'il est possible.
- xi. Qui bien l'art magique entendroit,
Il sauroit tout ce qu'il voudroit.
- xii. La mort contrainte a plus de gloire
Par la saignée, ou venin boire.

- i. Si la mort venoit à desir,
Le liēt d'honneur voudrois choisir.
- ii. Le ioug est fort de mariage,
Ne t'y mets point si tu es sage.
- iii. S'il ne sert il se fera tort,
Car il sera puissant & fort.
- iiii. Ce sont humeurs dont elle est pleine,
Car la dame n'est gueres saine.
- v. A père, mere, frere, ou seur,
De s'y attendre il n'est pas seur.
- vi. D'accompagner tel personnage
Garde toy bien si tu es sage.
- vii. N'espere point choses si grandes,
Tu n'auras pas ce que demandes.
- viii. Il sera bon à tout mestier,
Soit cordonnier ou pelletier.
- ix. Cest homme est trop melancolique,
Resionyr le faut par musique.
- x. Or quelque amy qu'il soit, iamais
Le tien secret ne luy commets.
- xi. Ce Roy sera cruel & fier,
Chacun le vaudra defier.
- xii. La verité vous n'en saurez,
Si quelque esprit ne coniuerez.

- i. Fuyez ces diuinations,
Ce ne sont que deceptions.
- ii. Toute mort est abominable,
Je n'en voy point qui soit louable.
- iii. Il t'est besoin auoir lignée,
Mais pren femme qui soit bien née.
- iiii. Cestuy n'aura chose si vile
Que la condition seruite.
- v. C'est d'un enfant, n'en faut douter,
Mais il pourra bien cher couster.
- vi. Grans biens auras, & heritage
Par succession, & partage.
- vii. Accompagnez le seurement,
Vous en aurez, soulagement.
- viii. Ce que demandes en brief temps,
Te rendra ioyeux & contens.
- ix. Fy de mestier, c'est son plus court
De suyre en ieunesse la court.
- x. Le temps ainsi qu'il passera
Toute tristesse appaisera.
- xi. Garde cestuy comme l'œil dextre,
Car meilleur amy ne peut estre.
- xii. En paix il regnera s'il peut,
Car il la desire & la veut.

- i. *Il aimera trop d'auoir guerre,
En danger de perdre sa terre.*
- ii. *Ne soyez point tant incité.
De chercher en sort verité.*
- iii. *Pour bien mourir il faut bien viure,
Pour de ce monde estre deliure.*
- iiii. *Tien toy de mariage arriere,
Que mariage ne te fiere.*
- v. *Entel seruiue pourra estre,
Qu'il sera plus libre qu'un maistre.*
- vi. *Ceste n'est pas (quoy qu'on en die)
Grosse d'enfant, c'est maladie.*
- vii. *Vat en ailleurs chercher adresse,
De tes parens n'auras richesse.*
- viii. *Vat en pluſtost loin à l'escart
Chercher compagnie autre part.*
- ix. *Qu'il espere tant qu'il voudra,
A son desir ne paruiendra.*
- x. *Il seroit fort bon couſturier,
Drappier, tondeur, ou tainturier.*
- xi. *S'il ne prent garde à son affaire
On luy donra plus fort affaire.*
- xii. *En toy te fie, à toy regarde,
Et d'un chacun te donne garde.*

- i. *Cil ou tu as affection,
Est vray amy sans fiction.*
- ii. *Il aura la felicité
D'auoir paix & tranquillité.*
- iii. *Tu sauras par enchantement
La verité entierement.*
- iiii. *Auoir enfans, biens, & bon aage,
Donne à mourir meilleur courage.*
- v. *Pren femme habile à conceuoir,
Plus grand bien ne pourrois auoir.*
- vi. *Ce ieune enfant sans en mentir
Ne voudra point s'assuiettir.*
- vii. *Elle est exceinte, & aura ioye,
De son enfant mais qu'elle le voye.*
- viii. *Cestuy aura, ou tost ou tard,
Des biens de son pere grand part.*
- ix. *Ne laisse cestuy pour tout rien,
Car en luy ne verras que bien.*
- x. *Ce qu'il espere entierement,
Il obtiendra facilement.*
- xi. *Cestuy n'aimera que les ieux,
Et instrumens melodieux.*
- xii. *Il n'est rien que le temps n'appaise,
Tu n'auras pas tousiours malaise.*

- i. *Tel cas fortuit l'eslouyra
Que sa tristesse s'en ira.*
- ii. *Il n'est pas tel comme il fait mine,
Garde toy bien qu'il ne t'affine.*
- iii. *Il regnera par sa proesse
En bonne paix & en liesse.*
- iiii. *Ne vous fiez en l'art magique,
C'est un abus diabolique.*
- v. *Mourir est bon de mort notable,
Qui soit au peuple profitable.*
- vi. *Cil qui veut viure en liberté
Ne doit à femme estre arresté.*
- vii. *De l'asseruir ce n'est droiture,
Son cœur est libre de nature.*
- viii. *S'elle n'est grosse, ie me vante
Qu'elle n'en perdra que l'attente.*
- ix. *Il aura un iour grand richesse,
Mais ce sera par sa prouesse.*
- x. *Plustost t'en deurois esloigner,
Que le suyure & accompagner.*
- xi. *Tu l'auras, & à ton honneur,
Mais ne sera sans grand labeur.*
- xii. *Cestuy aimera fort l'usage,
De paindre, ou tailler quelque image.*

- i. *Son cœur plein de melancolie
Songe à présent quelque folie.*
- ii. *Il ne t'en faut douter de rien,
Il ne demande que ton bien.*
- iii. *Sous ton credit auras amis,
Qui autrement sont ennemis.*
- iiii. *Il sera de si noble affaire
Qu'il fera ce qu'un Roy doit faire.*
- v. *Si l'ire de Dieu ne s'appaise,
La guerre nous sera mauuaise.*
- vi. *Cestuy malgré ses enuieux
Long temps viura, & sera vieux.*
- vii. *La fille plait pour quelque temps,
Mais la vesue a deniers contens.*
- viii. *D'un tel valet donne toy garde,
Sa langue est pire que lezarde.*
- ix. *Vn fils auez, mais prenez garde
De trouuer vne bonne garde.*
- x. *Beaucoup de biens, mais chers seront,
Pour les tributs qui hausseront.*
- xi. *Il vaut mieux encor seiourner,
Que telles gens accompagner.*
- xii. *A peu de biens, de grans affaires,
A peu d'amis grans aduersaires.*

- i. Il fera bien, & s'il peut mieux,
Qu'il n'aura sur luy ennieux.
- ii. Cestuy a le cœur si loyal,
Qu'il ne s'adonne à penser mal.
- iii. Il te veut, & peut deceupir,
A ton affaire faut pourvoir.
- iiii. Tu auras amis à ta table,
Dont l'amitié n'est gueres stable.
- v. Pour l'ennemy vaincre & gagner,
Son corps n'y voudra espargner.
- vi. Si nous n'auons à Dieu recours,
Paix & iustice n'auront cours.
- vii. Fasse ton parent ou ton pere,
Il viura plus que l'on n'espere.
- viii. La fille est follastre & ioyeuse,
La vesue est sage & cauteleuse.
- ix. Il est bien sage & arresté,
Mais il veut estre bien traité.
- x. C'est vn fils, & peut estre deux,
Dont le pere sera ioyeux.
- xi. L'année sera gracieuse,
Et de plusieurs biens fructueuse.
- xii. Mieux vaut qu'il y voise que non,
Pour acquerir bruit & renom.

- i. L'heure n'est pas bien opportune
Pour s'yure compagnie aucune.
- ii. Fâché seras & ennuyeux,
De voir sur toy tant d'enuieux.
- iii. Son cœur selon & rempli d'ire,
De mal penser tousjours sospire.
- iiii. Cestuy si bien vous deceura,
Que nul ne s'en aperceura.
- v. Tu es d'honneur ambicieux,
Aussi auras maints ennieux.
- vi. Pour estre auare & connoiteux,
Son peuple en sera souffreteux.
- vii. L'ambition & l'auarice
Des grans seigneurs corrompt iustice.
- viii. En brief mourra, comme on desire,
Mais du temps ie ne le puis dire.
- ix. La vesue sait que c'est d'honneur,
Mieux saura traiter son seigneur.
- x. En ce valet n'auras fiance,
Il n'a pas bonne conscience.
- xi. C'est un beau fils droit & sans vice,
Mais donnez luy bonne nourrice.
- xii. Qui aura bleds & vins en garde,
Je luy conseille qu'il les garde.

- i. Des biens aurons à grand foison
Ceste année en toute saison.
- ii. La compagnie, & l'heure est bonne,
Suy la si le cas s'y adonne.
- iii. Il viura de si bonne vie,
Que nul n'aura sur luy enuie.
- iiii. Il pense aux amoureux plaisirs,
Et de contenter ses desirs.
- v. Il aime à vous faire service,
Ne luy imputez rien à vice,
- vi. L'estat te fera mescognoistre,
Et bien peu d'amis apparoiſtre.
- vii. Il sera preux & de grand foin,
Pour ses gens defendre au besoin.
- viii. De bien tost voir i'ay assurance
Iustice & paix regner en France.
- ix. Il viura plus selon ce sort,
Que cil qui desire sa mort.
- x. De bailler viendroit mal à poinct,
A chausſes neufues vieil pourpoint.
- xi. Gardez le, c'est un bon seruant
Pour vous, tant qu'il sera viuant.
- xii. Ceste damoiselle gentile
N'enfantera que d'une fille.

Sachez

- i. *Sachez qu'un beau fils elle aura,
Duquel en ioye accouchera.*
- ii. *Le ciel menasse fort la terre
Cest an, de luy faire la guerre.*
- iii. *Tien toy seulet en ta maison,
Car de partir n'est pas saison.*
- iiii. *Pour les enuieux ne te fasche,
Mais à bien faire tousiours tasche.*
- v. *Cestuy ne pense en verité
Qu'à tout bien & honnesteté.*
- vi. *Prenez bien garde à vostre affaire,
Il ne tasche qu'à vous mal faire.*
- vii. *Si tn fais bien, on t'aimera,
Si fais mal, on te blasmera.*
- viii. *Si pen sera conte d'argent,
Qu'il rendra son peuple indigent.*
- ix. *Ne pensez point auoir iustice
Tant que venal sera l'office.*
- x. *Cestuy viura par si long temps
Que plusieurs n'en seront contens.*
- xi. *La fille douce & amiable
Plus que la vesue est agreable.*
- xii. *Ce seruiteur fait bonne mine,
Garde toy bien qu'il ne t'affine.*

- | | |
|-------|--|
| i. | <i>Il ne veut que bien & honneur,
Et loyauté à son seigneur.</i> |
| ii. | <i>Elle aura un fils voirement,
Mais ne sera sans grand tourment.</i> |
| iii. | <i>La terre est bien mal ordonnée,
Pour auoir grans biens ceste année.</i> |
| iiii. | <i>Si c'est compagnie honorable,
L'heure est aussi bien conuenable.</i> |
| v. | <i>Mout d'enuieux te courront sus,
Mais en fin viendras au dessus.</i> |
| vi. | <i>C'est un bon resueur, qui sans cesse
Songe à la malice & finesse.</i> |
| vii. | <i>De cestuy ne vous faut chaloir,
Car de mal faire n'a pouuoir.</i> |
| viii. | <i>En quelque estat que seras mis
Tu acquerras de bons amis.</i> |
| ix. | <i>Il sera franc, & chef propice
Pour bien conduire un exercice.</i> |
| x. | <i>Lors iustice & paix regnera
Quand l'ambition cessera.</i> |
| xi. | <i>Cestuy viura sain & deliure,
Plus qu'on ne le souhaite viure.</i> |
| xii. | <i>Pren fille si tu es dispos,
Ou vesue si tu veux repos.</i> |

- i. *Si tu me crois prens vne fille,
Car à dompter est plus facile.*
- ii. *A ce seruiteur que voyez
Ne vous fiez si me croyez.*
- iii. *Je donne à la dame presente
Vne tresbelle fille & gente.*
- iiii. *Cest année assez bien s'ordonne,
Pour estre suffisamment bonne.*
- v. *Si tu m'en crois tu n'iras pas,
Pour le danger d'un mauvais pas.*
- vi. *Force enuieux, peu d'amitié,
Mieux vaut ennie que pitié.*
- vii. *Il pense à faire aucun voyage,
Ou quelque chose assez volage.*
- viii. *Quant il le voudroit il ne peut,
Il ne fait pas tout ce qu'il veut.*
- ix. *Pour estre aimé ne te fais craindre,
Ne donnant moyen de se plaindre.*
- x. *En guerre sera diligent,
Mais qu'on luy baille force argent.*
- xi. *Iustice & paix sont dons de Dieu,
Sans luy ne sont en aucun lieu.*
- xii. *Il mourra bien tost i'en suis seur,
Mais ce sera sans grand languer.*

- i. *Il pourra dans brief temps mourir,
Sans qu'on l'en puisse secourir.*
- ii. *Le ieune la pucelle prenne,
Le vieil à la vesue se tienne.*
- iii. *Ce seruiteur a bon courage,
Mais il a l'esprit trop volage.*
- iiii. *Elle sera d'un fils deliure,
Qui toutesfois n'est pas pour viure.*
- v. *Des fruiçts de terre on aura pen,
Mais chacun en sera repen.*
- vi. *D'aduis ne suis d'accompagner
Ceux qu'on s'est venu enseigner.*
- vii. *D'enuieux n'auras point, pourquoy?
Par ce que n'auras pas dequoy.*
- viii. *Ce qu'il pense est pour son plaisir,
Et pour contenter son desir.*
- ix. *Il a le vouloir & pouuoir,
De l'appaiser fais ton deuoir.*
- x. *Aime un chacun on t'aimera,
Fais iustice, on t'estimera.*
- xi. *Il sera chiche & casanier,
Sans point les armes manier.*
- xii. *Faites le mieux que vous pourrez,
Paix ne iustice onques n'aurez.*

- | | |
|-------|--|
| i. | <i>Iustice & paix certainement
Leur regne auront finalement.</i> |
| ii. | <i>Cestuy de viure asi grand signe,
Qu'il deuiendra plus blanc qu'un cygne.</i> |
| iii. | <i>La ieune fille est plus aimable,
Et pour le plaisir agreable.</i> |
| iiii. | <i>Ce seruiteur quant est de foy,
Est loyal, & de bonne foy.</i> |
| v. | <i>Son ventre est rond comme vne bille,
Je croy qu'ell' aura vne fille.</i> |
| vi. | <i>Voicy l'an que les vsuriers,
S'en iront pendre en leurs greniers.</i> |
| vii. | <i>Il n'est meilleur heure que ceste,
Pour suyure compagnie honnesté.</i> |
| viii. | <i>Cestuy se gouuerne si bien,
Que l'enuieux n'y mordra rien.</i> |
| ix. | <i>Cestuy pense, non sans raison,
Aux affaires de la maison.</i> |
| x. | <i>Il est loyal & de foy bonne,
Douter ne faut de sa personne.</i> |
| xi. | <i>Cest homme en telle grace abonde,
Qu'aimé sera de tout le monde.</i> |
| xii. | <i>Il sera franc pour bien despendre,
Preux & vaillant pour se defendre.</i> |

- i. *A tous sera en general,
Doux & humain, & liberal.*
- ii. *Iustice & paix ne regneront
Tant que les guerres dureront.*
- iii. *Croyez cestuy ne mourra pas
Si tost qu'on voudroit son trespas.*
- iiii. *On pourroit trouver vefue telle
Qui vaudroit mieux qu'une pucelle.*
- v. *Cestuy tant bien soit il appris,
Est malin, & sera repris.*
- vi. *Ceste d'un fils enfantera,
Qui le pere contentera.*
- vii. *Si Dieu ne pense és biens & fruiets,
Ils seront tous cest an destruits.*
- viii. *Si la compagnie est ioyeuse,
Aussi est l'heure bien heureuse.*
- ix. *Tu seras riche & tres heureux,
En despit de tes enuieux.*
- x. *Il pense à faire vilennie,
En quelque affaire qu'il manie.*
- xi. *Il veut & peut vous decenoir,
Il faut sur luy bon œil auoir.*
- xii. *Tu acquerras beaucoup d'amis,
Aussi auras mont d'ennemis.*

- i. Tandis qu'auras biens amassez,
Tu auras des amis affez.
- ii. Il aimera faire largesse,
Au reste plein de grand proësse.
- iii. Si nous n'auons recours à Dieu,
Iustice & paix n'auront point lieu.
- iiii. Ne pensez pas d'auoir ses biens,
Il viura tant que n'aurez riens.
- v. La ieune fille est à choisir,
Pour d'une femme auoir plaisir.
- vi. Il est seur & homme de bien,
S'il n'empire il seruira bien.
- vii. Ceste dame semble pesante,
D'une fille sera gisante.
- viii. Des fruiëts auons moyennement,
Et d'autres biens competement.
- ix. Ceste heure pour aller à l'aise
N'est ne trop bonne ne mauuaise.
- x. Pourueu que ne sois point ialoux
Tu te feras aimer de tous.
- xi. Cestuy n'a point autre desir,
Que de penser à son plaisir.
- xii. Ne vous fiez pas trop aux gens,
Mesmement qui sont indigens.

- i. *Qu'il soit sur sa garde s'il vent,
Car il le deceura s'il peut.*
- ii. *Parton estat, & pres & loin,
Auras des amis au besoin.*
- iii. *Il sera liberal & prompt
Pour à l'ennemy faire front.*
- iiii. *Lors que la guerre cessera
La iustice en regne sera.*
- v. *S'il ne se garde sagement,
Il ne viura pas longuement.*
- vi. *De fille à faire, on a service,
La vesue on prent par auarice.*
- vii. *Si le maistre est bon & loyal,
Le seruiteur sera feal.*
- viii. *Assez vaut vne fille bonne,
Prenez en gré ce que Dieu donne.*
- ix. *Cest an ne faut que te reposes,
Car peu aurons de toutes choses.*
- x. *Pour bien ton affaire assurez,
Te te conseille demeurer.*
- xi. *Tu auras grand nombre d'amis,
Et peu d'enuieux ennemis.*
- xii. *Son pensement est variable,
Aussi iamais n'est veritable.*

- i. *Il dit ce qu'il pense en son cœur,
Et croyez qu'il n'est point moqueur.*
- ii. *Prenez garde à toy, car sur ta vie
Plusieurs malucillans ont envie.*
- iii. *Vn pauvre amy de bon vouloir,
Mieux que le riche peut valoir.*
- iiii. *Il n'est Roy mais tyran celuy
Qui s'empare du bien d'autruy.*
- v. *Ne vous mettez si tost en voye,
Que mauvais heur ne vous conuoye.*
- vi. *Il mourra vieil, quoy qu'on en die,
Mais fort suiet à maladie.*
- vii. *Ce que tu aimes point n'auras,
Mais ailleurs te contenteras.*
- viii. *Ne pren cestuy pour te servir,
Car tu n'en pourrois pas cheuir.*
- ix. *Cestuy sera fort solitaire,
Aimant peu parler, ou se taire.*
- x. *Les bleds & vins, & pied fourché
Ne seront point à bon marché.*
- xi. *Ce iuge n'est pas profitable,
Car il est rude & maltraictable.*
- xii. *Tu n'y feras bien ton affaire,
Car fortune y sera contraire.*

- | | |
|-------|---|
| i. | <i>Suis ta fortune & ne crains rien,
Car le hazard te dira bien.</i> |
| ii. | <i>Tantost dit d'un, tantost d'un autre,
Croyez que c'est un fin apostre.</i> |
| iii. | <i>Ne sois fasché, mais fort ioyeux
En despit de tes ennieux.</i> |
| iiii. | <i>Le riche est bon pour secourir,
Et le pauvre amy pour courir.</i> |
| v. | <i>Celuy doit estre à Roy tenu,
Qui de sang Royal est venu.</i> |
| vi. | <i>N'y allez pas si c'est bien loïn,
Si c'est pres en aurez besoin.</i> |
| vii. | <i>A long temps viure est destiné,
Si par excès n'est ruiné.</i> |
| viii. | <i>A ioye & à liesse grande
Aura celuy qu'elle demande.</i> |
| ix. | <i>Pour estre à ton intention,
Sache de luy sa nation.</i> |
| x. | <i>Cestuy voudra selon raison
Viure en honneur en sa maison.</i> |
| xi. | <i>Fenes, pois, huiles, & potages
Assez auons, peu de fruitages.</i> |
| xii. | <i>Ce iuge est bon & gracieux,
On ne pourroit souhaïter mieux.</i> |

- i. *Ce iuge à mon intention,
Est de mauuaise affection.*
- ii. *N'y mets rien, ou tu le perdras,
Ou follement le despendras.*
- iii. *Il ne dit pas tout ce qu'il pense
Quand c'est chose de consequence.*
- iiii. *Il faut aller droit en besongne,
Car maint enuieux sur toy grongne.*
- v. *Le pauvre amy n'a force aucune,
Le riche sert pour sa pecune.*
- vi. *Cestuy faut prendre pour regner
Qui sait que c'est que gouverner.*
- vii. *Partez hardiment, car fortune
Est à vostre gré opportune.*
- viii. *Il sentira le grand effort
(Dés sa ieunesse) de la mort.*
- ix. *C'est grand folie de s'attendre
Qu'en tel lieu on vous vueille prendre.*
- x. *Ton valet long temps seruira,
Mais en fin te desseruira.*
- xi. *Cestuy ne prisera vertu,
Ne la science vn seul festu.*
- xii. *De bleds & vins fais en ta queste,
Car ils seront en grand requeste.*

- i. *L'espicerie sera chere,
Du reste on fera bonne chere.*
- ii. *Ce iuge, quant à sa personne,
A nature amiable & bonne.*
- iii. *Rien ne perdras en cest endroit,
Si tu es equitable & droit.*
- iiii. *Assurez vous qu'alors il ment,
Quand plus l'affirme par serment.*
- v. *Cest homme (dont ie m'esmerueille)
N'a enuieux qui mal luy vueille.*
- vi. *On ne fait pas que peut valoir
Le pauvre amy de bon vouloir.*
- vii. *La puissance grande & soudaine
En fin au peuple est inhumaine.*
- viii. *Le temps n'est pas bien auenant
Pour chemin faire maintenant.*
- ix. *Il viendra à vieillesse telle,
Qu'il mourra comme une chandelle.*
- x. *Tu n'auras (dont me fais pitié)
Ce qu'as choisi par amitié.*
- xi. *De tous pays bon seruiteur,
Mais de bien rencontrer c'est heur.*
- xii. *Cest enfant a un signe heureux,
D'estre plaisant & amoureux.*

- i. Cest enfant grand espoir me donne
D'aimer vertu & chose bonne.
- ii. Huiles, fourrage, & grains menus,
Seront à bon marché tenus.
- iii. Ce iuge sera sage & bon,
Mais qu'il ne soit surpris par don.
- iiii. A toy la fortune dispose
D'auoir grand gain en ceste chose.
- v. Croyez pour vray ce qu'il dira,
Car d'un seul mot n'en mentira.
- vi. Tu as grand nombre d'ennemis,
Qui encontre toy se sont mis.
- vii. Quand le pauvre aime pour le bien
Le n'en ferois conte de rien.
- viii. Souuent le fils que lon espere
D'estre Roy, fait pis que son pere.
- ix. Il est temps de se mettre en voye,
Pour en retourner à grand ioye.
- x. Ieune il mourra soudainement
Par son mauuais gouuernement.
- xi. Tu entreprends en trop haut lieu,
On t'y pourroit bien dire à Dieu.
- xii. Cil que pour scruir on t'ameine,
Regarde bien s'il est du Maine.

- i. Ne pense pas que soit grand heur,
Que d'auoir tousiours seruiteur.
- ii. Cest enfant n'aura son desir
Qu'à volupté & son plaisir.
- iii. Je m'esouys que ceste année
Aurons beaux bleds & grand'vinée.
- iiii. Ce iuge se maintiendra bien,
Car il ne veut qu'honneur & bien.
- v. En ceste chose tien toy seur
D'y auoir profit & honneur.
- vi. Tout ce qu'il vous a dit de bouche
Assurez vous qu'au cœur luy touche.
- vii. Soyez affable, humain à tous,
Nul n'aura enuie sur vous.
- viii. Pour bien vous dire verité,
Vn riche a plus d'authorité.
- ix. Le peuple est suiet à la loy,
Selon la loy aura son Roy.
- x. Attendez encor à demain
Pour entreprendre ce chemin.
- xi. Il viura tant comme il pourra,
Et puis en vieillesse mourra.
- xii. Vous aurez à vostre plaisir
Ce qu'a voulu le cœur choisir.

- i. *Vostre cœur en bon lieu aspire,
Il obtiendra ce qu'il desire.*
- ii. *Tu ne pourrois servir toy mesme,
Mais il te faut valet de mesme.*
- iii. *Cestuy sera malicieux,
Homme mondain & vicieux.*
- iiii. *Trop chers seront (pour les fourrages)
La chair, le beurre, & les fromages.*
- v. *Ce iuge est sage & arresté,
Bon pour regir vne cité.*
- vi. *Du profit auras largement,
Si t'y gouvernes sagement.*
- vii. *Il parle peu, mais sa parole
De l'abondance du cœur vole.*
- viii. *Mieux vaut qu'on ait de la moitié
Sur toy enuie que pitié.*
- ix. *Vn pauvre aime le mieux souuent,
Car l'honneur du riche se vent.*
- x. *L'election est fort louable,
Car on choisit homme capable.*
- xi. *Si maintenant trop tu t'eslongne,
Tu en auras honte & vergongne.*
- xii. *Iennes ou vieux il faut mourir,
Et ne s'en faut point enquerir.*

- i. *Il mourra (dont sera dommage)
Estant en la fleur de son aage.*
- ii. *N'y mets point si fort ton courage,
Car ne l'auras en mariage.*
- iii. *S'il te sert bien, traite le bien.
Laisse le là s'il ne vaut rien.*
- iiii. *Tout son plaisir & son delice
Sera l'argent & l'avarice.*
- v. *De bleds ne vins n'aurons cherté,
Pourueu qu'il ne soit transporté.*
- vi. *Ce iuge est auaricienx,
Et d'honneur trop ambicienx.*
- vii. *Il aura s'il fait ce qu'il pense,
Peu de profit & grand despense.*
- viii. *Ne croyez pas ce rapporteur,
Car bien souuent il est menteur.*
- ix. *Ton compagnon qu'aimes le mieux
Est dessus toy trop enuieux.*
- x. *Il n'y a point d'affinité
Entre l'amour & pauureté.*
- xi. *L'electiion iamais ne faut,
Mais l'heritier souuent defaut.*
- xii. *Tu peux cheminer seurement,
Car tu n'auras empeschement.*

Commen

- i. Commencez tost vostre voyage,
Vous le parferez sans dommage.
- ii. La mort n'aura sur luy puissance,
Tant qu'il retourne à son enfance.
- iii. Tu auras (si fais ton deuoir)
Ce que ton cœur souhaite auoir.
- iiii. Si tu veuX prendre vn seruiteur,
Enquiers toy bien s'il est menteur.
- v. Cest enfant aimera l'honneur,
Et la vertu, car c'est son heur.
- vi. Des fruiëts aurons grand quantité,
De bleds bien peu, de vin cherté.
- vii. Cestuy sera courtois & doux,
Et raisonnable dessus tous.
- viii. Tu as si bon sens & bon heur,
Que rien n'y perdras, i'en suis seur.
- ix. A ce qu'il dit ne faut viser,
Il prend plaisir à desguiser.
- x. Pour cestuy à tant fait fortune,
Qu'on n'a sur luy enuie aucune.
- xi. Le riche a la force plus grande,
Argent fait tout ce qu'on demande.
- xii. Le Roy fait par succession,
Mieux garde sa possession.

- | | |
|-------|---|
| i. | <i>Pour bien à ses suiets entendre,
Il vaut mieux le fils du Roy prendre.</i> |
| ii. | <i>Pour seurement tel chemin prendre
Encor un peu vous faut attendre.</i> |
| iii. | <i>Il est predit sous son chapeau
Que i jamais n'aura vieille peau.</i> |
| iiii. | <i>Ostez cela de vostre cœur,
Car vous ne l'aurez, i en suis seur.</i> |
| v. | <i>Pour bien servir & loyal estre
C'est mal rencontré que d'un prestre.</i> |
| vi. | <i>Cela où plus voudra tascher
Sera au monde, & à la chair.</i> |
| vii. | <i>Cherté de foins, & de bestail,
Et tout ce qu'on vend en destail.</i> |
| viii. | <i>Ce iuge est par trop variable,
Pour estre droit & raisonnable.</i> |
| ix. | <i>Quelque chose que saches faire,
Tu perdras tout en cest affaire.</i> |
| x. | <i>Tout ce qu'il dit n'est euangile,
N'en croyez qu'un mot entre mille.</i> |
| xi. | <i>Cestuy sera s'il n'est instruit
Un iour par enuieux destruit.</i> |
| xii. | <i>Vn amy pauvre & vertueux
Vaut mieux qu'un riche sumptueux.</i> |

- i. L'amour du riche est plus muable,
Et selon le temps variable.
- ii. Le peuple a mauvais aduantage,
Quand le royaume est heritage.
- iii. N'entreprens rien si de leger,
Ou tu tomberas en danger.
- iiii. Cestuy viendra iusqu'à vieillesse,
S'il ne fait tort à sa ieunesse.
- v. Tu auras malgré ennieux
Ce que ton cœur aime le mieux.
- vi. Pour te seruir il n'est saison
D'auoir un prestre en ta maison.
- vii. Cestuy aimera le deduit
Des ieunes dames iour & nuist.
- viii. On aura cest an des biens tant
Que tout aura prix competant.
- ix. Co iuge est de bonne nature,
S'il n'est deceu par sa luxure.
- x. Si tu ne fais à antruy tort,
La chose viendra à bon port.
- xi. Estimez qu'en vostre presence
Il ne dit pas tout ce qu'il pense.
- xii. Ne pensez estre (ou suis menteur)
Sans ennieux & detracteur.

- i. Celuy que souuent tu conuie,
A dessus toy plus grand' enuie.
- ii. Bonne amitié ne prend' adresse
Par pauureté, ne par richesse.
- iii. Le Roy esleu est agreable,
Et se sent bien plus redeuable.
- iiii. Si vous cheminez sagement,
Vous reuiendrez ioyusement.
- v. Se tienne hardiment sur sa garde,
Car la mort de pres le regarde.
- vi. Si n'as ce que ton cœur desire,
Si auras tu qui doit suffire.
- vii. Pour te seruir à ton usage,
Prez quelque garson de village.
- viii. Cestuy en saine conscience
Aimera vertu & science.
- ix. Tout ce qui se vend au marché
Sera cest an à bon marché.
- x. Ce iuge par son auarice
Est dangereux en son office.
- xi. Si en ce faiët te conduis bien,
Tu gagneras beaucoup de bien.
- xii. Il a la langue aussi legere
Que le fuseau d'une bergere.

- i. *Il n'accomplira ceste chose
En la maniere qu'il propose.*
- ii. *Voyez le au partir de l'estable,
Cognoistrez s'il est profitable.*
- iii. *Fais maintenant ce qu'as envie,
Car la fortune t'y conuie.*
- iiii. *Il aura l'honneur qu'il desire,
Mais que trop d'orgueil ne l'empire.*
- v. *A peine iamais veniendra,
Car un pirate le prendra.*
- vi. *Cestuy doit mourir par raison
Dedans l'enclos de sa maison.*
- vii. *Ces deux feront par leurs querelles
Grande ouuerture aux maquerelles.*
- viii. *Pour bien à seruir t'employer,
Tu en auras un grand loyer.*
- ix. *Elle sera triste & chagrine,
Et à religion encline.*
- x. *Ne commencez maintenant rien,
Car il ne vous viendroit à bien.*
- xi. *En l'estat ou ce iuge est mis
Acquerra beaucoup d'ennemis.*
- xii. *La chose prestée est perdue,
Iamais ne vous sera rendue.*

- i. Tu trouueras tout apresté
Au besoin ce qu'auras presté.
- ii. Il parfera finablement
Son entreprise entierement.
- iii. Je ne te conseille d'entendre
A ce cheual qu'on te veut vendre.
- iiii. Pour le temps present ie t'aduisé
Que fortune te fauorise.
- v. Laissez là cest honneur mondain,
Comme il vient il se pert soudain.
- vi. Nonobstant le vent & l'orage
La nef reuiendra sans dommage.
- vii. Pour accompagner gens meschans
Cestuy mourra parmi les champs.
- viii. Ces deux mariez ce me semble
Loyalement vinent ensemble.
- ix. Tu pourrois mourir en seruiçe,
Fortune ne t'est pas propice.
- x. Elle sera fort belle & sage
Pour bien gouuerner vn mesnage.
- xi. Ne soyez tant aspre & urgent,
Sans regarder à vostre argent.
- xii. Tout le peuple l'aimera bien,
Pource qu'il est homme de bien.

- i. Cestuy se fera tant hayr
Qu'on ne luy voudra obeyr.
- ii. Le prest te rendra quoy qu'il tarde,
Si necessité ne l'en garde.
- iii. Il ne fera tout ce qu'il pense,
Il y faudroit trop grand despense.
- iiii. Ce cheual ne seruira bien,
Pour ton usage ne vaut rien.
- v. Au parauant que de partir,
Garde toy de t'en repentir.
- vi. A la poursuite auras malheur,
Plus de profit & moins d'honneur.
- vii. Ce nauire est en grand danger
D'auoir naufrage ou submerger.
- viii. Il ne faut point auoir soucy
De mourir ailleurs ou icy.
- ix. Le mary loyal ne sera,
Mais bien elle s'en vengera.
- x. Pour en seruice auoir esté
Il acquerra grand liberté.
- xi. Mieux aimera le bas mestier,
Que d'aller chanter le psautier.
- xii. Pour faire un œuvre de durée
Ceste heure n'est pas assurée.

- i. *Tu ne peux meilleur temps choisir
Pour bastir un lieu de plaisir.*
- ii. *Il sera fort doux & traittable,
Et à tout le peuple agreable.*
- iii. *Assez a bon vouloir de rendre,
Mais il n'est prest, il faut attendre.*
- iiii. *En brief sera la chose faite
Qu'en son cœur il pense & souhaite.*
- v. *Prenez ce cheual sans plus dire,
Vous ne pourriez meilleur elire.*
- vi. *Elle te veut fauoriser,
Mais garde toy d'en abuser.*
- vii. *Il paruiendra comme i'entends,
A grand honneur en peu de temps.*
- viii. *Ceste nef bien tost reuiendra,
Dont un grand heur vous aduiendra.*
- ix. *Pour responce luy doit suffire
Qu'il mourra au lieu qu'il desire.*
- x. *Les enfans qu'aurons par moitié
Seront les gages d'amitié.*
- xi. *Son seruice plus qu'il ne pense
Luy donnera grand recompense.*
- xii. *Elle sera fort belle & gente,
Et d'auoir mary plus contente.*

- i. *Ceste pucelle gracieuse
Seroit sage religieuse.*
- ii. *Encor un peu te faut attendre
Pour ce bastiment entreprendre.*
- iii. *Ne trop aimé, ne trop hays
Il ne sera, dont m'esbahis.*
- iiii. *On te rendra prochainement
Ce qu'as presté entierement.*
- v. *Il parfera ou tost ou tard
De son desir la plus grand part.*
- vi. *Qui ce cheual achetera,
Croyez qu'il s'en repentira.*
- vii. *Fais maintenant ce qu'il faut faire,
Un autre temps sera contraire.*
- viii. *Fortune quand serez à mont
Tournera voz pieds contremont.*
- ix. *Si ceste nef freuient à port
Onques Iason ne fit plus fort.*
- x. *Cil qui à bien viure regarde,
Ou il doit mourir ne prent garde.*
- xi. *Il est loyal, & elle aussi,
L'un de l'autre n'aye soucy.*
- xii. *Pour un verre que casseras
Hors de ton service seras.*

- | | |
|-------|---|
| i. | <i>Il seruirá si loyaument
Qu'il en aura contentement.</i> |
| ii. | <i>Ceste aimera dès sa naissance
Sentir la mondaine plaisance.</i> |
| iii. | <i>Tu peux commencer si tu veuX,
Mais d'attendre un peu ferois mieux.</i> |
| iiii. | <i>Pource que bon iuge sera,
Le commun peuple l'aimera.</i> |
| v. | <i>Tu ne verras en ton hostel
Iamais ton prest ne tost ne tel.</i> |
| vi. | <i>Sa volonté accomplira,
Et nul ne luy contredira.</i> |
| vii. | <i>Ce cheual est de bon seruice,
Prenez le, car il n'a nul vice.</i> |
| viii. | <i>Or maintenant ie t'importune,
Poursuis le cours de ta fortune.</i> |
| ix. | <i>Tu veuX monter plus que ne dois,
On te donra dessus les doigts.</i> |
| x. | <i>La nef est trop en mer experte,
Pour y souffrir danger ou perte.</i> |
| xi. | <i>A mourir tu es inuité
Au lieu de ta natiuité.</i> |
| xii. | <i>Si leur loyauté long temps dure,
Certes sera grand auenture.</i> |

- i. *Soit au mary ou à la dame
Je ne voy rien digne de blasme.*
- ii. *Pour bien servir un grand seigneur
Tu parviendras à grand honneur.*
- iii. *Elle sera un peu soudaine
D'aimer la plaisance mondaine.*
- iiii. *Ceste heure n'est pas conuenable
Pour commencer maison manable.*
- v. *Par sa gloire & ambition
Sera sans reputation.*
- vi. *Prenez bien garde du surplus,
Car ce prest cy ne l'aurez plus.*
- vii. *Cestuy ne viendra pas à bout
De son entreprise du tout.*
- viii. *Ce cheual ne faut acheter
Sans bien le faire visiter.*
- ix. *Si tu fais ce qu'as entrepris,
Tu en pourras estre repris.*
- x. *L'ambition & l'auarice
En lieu d'honneur te donront vice.*
- xi. *La nef en mer si fort balance,
Qu'il n'y a pas grande esperance.*
- xii. *Le monde est pays à tous commun,
Quelque part qu'on meure est tout un.*

- i. *Cestuy mourra en pays estrange,
Si sa fortune ne se change.*
- ii. *Je n'y voy pas grand loyauté,
Chacun le fait de son costé.*
- iii. *Qu'il serue bien tant qu'il pourra,
Jamais aux biens ne se verra.*
- iiii. *A ses parens obeyra,
Mais en religion n'ira.*
- v. *Vn autre temps tu eliras,
Pour le logis que bastiras.*
- vi. *Cestuy sera d'aucuns aimé,
D'autres hay & diffamé.*
- vii. *Ne vous doutez, on vous rendra
Vostre prest quant à point viendra.*
- viii. *De ce que fol pense souuent,
Autant en emporte le vent.*
- ix. *Ce cheual n'est de bonne sorte,
Cherchez vn autre qui vous porte.*
- x. *Plus ne t'enquiers, vn bon affaire
Pour quelque chose ne differe.*
- xi. *Je ne m'attens pas qu'il aduienne
Qu'à tel honneur cestuy paruienne.*
- xii. *Il n'en reuient pas de cent vne,
Croyez qu'elle a quelque fortune.*

- i. *La nef viendra à sauueté,
En quelque part qu'elle ait esté.*
- ii. *Cestuy dessus son territoire
Lairra ce monde transitoire.*
- iii. *On n'eust sceu mieux les accoupler,
Dieu vneille leur aage doubler.*
- iiii. *Tel en service est arresté
Qui l'a plus doux que liberté.*
- v. *Ceste sera d'honneste vie,
Et de bien faire aura enuie.*
- vi. *Ores tu peux bien seurement
Assoir le premier fondement.*
- vii. *Pour sa bonté & grand prudence
Chacun l'aura en reuerence.*
- viii. *Ne prestez à telle personne,
Car ce qu'on luy preste on luy donne.*
- ix. *Tu accompliras à loisir
Tout ton vouloir & ton desir.*
- x. *Prenez le cheual qu'on veut vendre,
Car un meilleur ne pourriez prendre.*
- xi. *Pour le present ne te desplaise,
Si tu as fortune mauuaise.*
- xii. *Si tu as credit & faueur
Tu paruiendras à cest honneur.*

- | | |
|-------|--|
| i. | <i>Il veut à trop grand honneur tendre,
Il en pourroit bien bas descendre.</i> |
| ii. | <i>Le nauire est en pleine mer,
En bien grand danger d'abismer.</i> |
| iii. | <i>En quelques pays que tu demeures,
En ce lieu faudra que tu meures.</i> |
| iiii. | <i>Si le mary en est en coulpe,
On luy fera de tel pain soupe.</i> |
| v. | <i>Par le service qu'il veut faire
Accomplira un grand affaire.</i> |
| vi. | <i>Ceste aimera plus volontiers
Le ieu d'amours que les monstiers.</i> |
| vii. | <i>Ne bastis point ceste iournée,
Car elle est trop mal fortunée.</i> |
| viii. | <i>Il acquerra l'inimitié,
Pour estre iuge sans pitié.</i> |
| ix. | <i>Il aura son prest au besoin,
Sans pour ce faire en prendre soin.</i> |
| x. | <i>Certes ouy, car la fortune
T'est fauorable & oportune.</i> |
| xi. | <i>Il a quelque vice caché,
Dont de long temps est entaché.</i> |
| xii. | <i>Tu as la fortune & le temps
Pour paruenir ou tu pretens.</i> |

- i. *Le temps est propre & agreable
D'auoir fortune fauorable.*
- ii. *La chose ou il tend n'est pas grande,
Aussi aura ce qu'il demande.*
- iii. *Tout ce qui est dans la nauire
Viendra au port que lon desire.*
- iiii. *La mort n'aura sur toy puissance
Sinon au lieu de ta naissance.*
- v. *Ces deux icy (tant s'aiment fort)
Ne feront l'un à l'autre tort.*
- vi. *Tes parens t'ont laissé seulet
Pour à iamais estre valet.*
- vii. *Ceste n'aura affection
Au monde, ains à religion.*
- viii. *Le mois de Mars est plus propice
Pour commencer ton edifice.*
- ix. *Pour estre gracieux & doux
Il se fera aimer de tous.*
- x. *Iamais ne vous sera rendu
Qu'il ne vous soit bien cher vendu.*
- xi. *De cest amour ne fais poursuite,
Le repentir est à la suite.*
- xii. *Ce cheual n'est pas des meilleurs,
Il vous en faut pouruoir ailleurs.*

- i. *Regardez à mont & à val
Avant que prendre ce cheual.*
- ii. *Va t'en ailleurs, car pour cest heure
Fortune t'y sera meilleure.*
- iii. *Cestuy plus grand honneur merite,
Qu'il obtiendra à la poursuite.*
- iiii. *Vous ne verrez de la sepmaine
Ceste nef, car le vent l'emmeine.*
- v. *Si en son pays a sepulture,
Certes sera grand aduerture.*
- vi. *Quant à la femme i'en fais doute,
Mais l'homme est loyal somme toute.*
- vii. *Pour auoir liberte aucune
Trop luy resiste sa fortune.*
- viii. *Ceste sera trop plus idoine
A un mary, qu'avec un moine.*
- ix. *Si tu en veux mon conseil prendre,
Je te conseille encor attendre.*
- x. *Ce iuge sera equitable,
Et toutesfois peu agreable.*
- xi. *La debte auras, elle est certaine,
Mais ce ne sera pas sans peine.*
- xii. *Si ton honneur tu aime & prise,
Ne poursuis point ceste entreprise.*

L'heure

- i. L'heure n'est pas bien à souhait
Pour commencer quelque grand fait.
- ii. Si tu vis bien, n'aye point crainte
De mal mourir, & par contrainte.
- iii. Ains que l'an passe recevras
Vn grand bien, dont ioyeux seras.
- iiii. Poursuis viuement cest office,
L'heure & le temps y est propice.
- v. Ce pelerin à grand meschef
Viendra de son voyage à chef.
- vi. Sans faire tort à sa nature
Aura louable sepulture.
- vii. Mieux vaut dissimuler l'affaire,
Qu'estre ialoux, ou bien se taire.
- viii. Dans certain temps guerir pourra,
Mais s'il renchoit il en mourra.
- ix. Le plus beau ieu que vous conseille,
C'est de dormir quand on sommeille.
- x. Cest œuure semble estre parfait,
Mais il ne fut iamais bien fait.
- xi. Cestuy en veut par tout chercher,
Prendre profit & point prescher.
- xii. De bien payer a bon vouloir,
Mais le pis est qu'il n'a pouuoir.

- i. Par son bon sens & diligence
En brief aura de vous quitance.
- ii. On ne peut meilleur temps elire
Pour commencer ce qu'on desire.
- iii. Peine & labeur aura toujours,
Aussi bien finera ses iours.
- iiii. Il ne faut point estre estonné
Si cest an es mal fortuné.
- v. Ne tarde plus, car il est temps
De pourchasser ce que pretens.
- vi. En tel endroit il passera
Qu'à iamais esclave sera.
- vii. Il mourra de mort violente,
Et croy qu'il n'en pert que l'attente.
- viii. N'aye aucun doute de ta femme,
Car elle est bonne & sage dame.
- ix. Il guarira, traitez le bien,
Les medecins n'y feront rien.
- x. Pour tous voz ieux en quelque lieu,
Ne perdez à servir à Dieu.
- xi. Ce bastiment est bon & seur,
Il ne faut point en auoir peur.
- xii. Ce prelat duquel on deuise,
Est digne de plus grand'eglise.

- i. *Cestuy, pour dire en verité,
N'est propre à telle dignité.*
- ii. *Iamais bon payeur ne sera,
Ains tout son bien despensera.*
- iii. *On ne pourroit pire heure prendre,
Pour quelque grand œuvre entreprendre.*
- iiii. *Après la mort on cognoist l'heur
D'un personnage, ou le malheur.*
- v. *Plaindre ne te dois de fortune
Si passes l'an sans perte aucune.*
- vi. *Poursuis, car cil qui a puissance
T'en fera don sans résistance.*
- vii. *Combien qu'il soit robuste & fort,
En danger sera de la mort.*
- viii. *Cestuy mourra soudainement
Par un rigoureux element.*
- ix. *On n'en viendra iamais à bout,
Tant qu'on l'ait fait cocu du tout.*
- x. *Il en mourra sans doute aucune,
Mais quoy? c'est chose à tous commune.*
- xi. *Il fait bon aller à la chasse,
Et suyure le lievre à la trasse.*
- xii. *Il n'est pas seur de s'y fier,
Mieux vaudroit le r'edifier.*

- i. Cest edifice a pris son ply,
Il est bien fait & accompli.
- ii. Il est digne de plus grand bien,
Mais que chastement viue, & bien.
- iii. Il a bien moyen de tout rendre,
S'il y vouloit vn peu entendre.
- iiii. Cest heure est bonne & agreable
Pour faire quelque œuure louable.
- v. Il aura tant de bien & d'aise
Que la fin en sera mauuaise.
- vi. Pour cest an cy ie luy ordonne
Que sa fortune sera bonne.
- vii. Ie te pry n'en faire poursuite,
Car long temps seras à la suite.
- viii. Si le pelerin estoit sage
N'entreprendroit ce long voyage.
- ix. En ton liçt de mort douce & belle
Defaudras comme vne chandele.
- x. S'il est ialoux c'est tresmal fait,
Car ell' n'a point vers luy forfait.
- xi. Il guarira pour ceste fois,
Qu'il se garde bien toutesfois.
- xii. Prenez esbat (s'on m'en veut croire)
A bien manger, & à bien boire.

- i. Pour ton esprit mettre à deliure
Tu ferois bien lire en vn liure.
- ii. Selon la matiere, l'ouurage
Est assez bon pour ton usage.
- iii. Ce beau pasteur, de son troupeau
Prendra & la laine & la peau.
- iiii. L'auarice le tiendra serre,
Dont sera dur à la deserre.
- v. N'estimez point que d'un iour l'heure
Soit pire que l'autre, ou meilleure.
- vi. Tu es mauvais, subtil & fin,
En danger de mauuaise fin.
- vii. A peine passeras l'année
Sans malheureuse destinée.
- viii. Tu l'obtiendras sans resistance,
Mais il te faut payer finance.
- ix. Il deuoit bien son congé prendre,
Car son retour ne faut attendre.
- x. Cestuy doit mourir (sans fortune)
De mort naturelle & commune.
- xi. La ialousie en ton cerueau
Te fera nommer Ian le veau.
- xii. Ce patient (quoy qu'on en die)
Mourra de ceste maladie.

- i. *Il garira finalement,
Moyennant le bon traitement.*
- ii. *Tirer de l'arc & l'arbaleste
Est un esbatement honneste.*
- iii. *Cest edifice en cest endroit
N'est basti ne bien ny à droit.*
- iiii. *Le peuple doit prendre à bon heur
D'auoir un tel prelat d'honneur.*
- v. *Si sa fortune est bien menée,
Il sera quite ceste année.*
- vi. *Pour commencer chose qui plaise
Cest heure n'est pas trop mauuaise.*
- vii. *Si son affaire bien ordonne,
La fin n'en peut estre que bonne.*
- viii. *L'an sera fascheux à passer,
Mais l'autre est pour recompenser.*
- ix. *Tu auras la faueur si grande,
Que lon ottroyra ta demande.*
- x. *Cestuy est sage & bien apris,
Il n'a garde d'estre surpris.*
- xi. *Ayant vescu iusqu'à son terme,
En son liêt mourra ie l'affirme.*
- xii. *Il mescroit sans cause sa femme,
Qui ne merite tel diffame.*

- i. *S'il est ialoux c'est à grand tort,
Sa femme est bonne & l'aime fort.*
- ii. *Ce malade (combien qu'il tarde)
Est pour mourir s'on n'y prent garde.*
- iii. *La paume, la balle, & la lice,
Donnent au corps grand exercice.*
- iiii. *Tel bastiment porte la mine
De tomber bien tost en ruine.*
- v. *Ce prelat n'est pas suffisant,
Il seroit mieux ailleurs duisant.*
- vi. *Tels gens on peut bien tenir quites,
Ce sont payeurs de pommes cuites.*
- vii. *Cest heure de soy n'est pas bonne,
Differe un peu ie te l'ordonne.*
- viii. *Tel bien heureux se reputé estre
A qui lon prepare un cheuestre.*
- ix. *Ceste année sera muable,
Et la fortune variable.*
- x. *Demande luy ce que voudras,
A ceste heure tu l'obtiendras.*
- xi. *C'est tresmal pour faire un voyage
Laisser sa femme & son mesnage.*
- xii. *Il doit mourir par cas fortuit,
Dont l'effect de bien pres le suit.*

- i. *Il mourra naturellement,
Ayant vescu bien longuement.*
- ii. *A tort sur elle as fantaisie,
Pis fera pour ta ialousie.*
- iii. *Cestuy mourra, aussi feront
Tous ceux qui pres de luy seront.*
- iiii. *Auec les dames deuiser
Est beau ieu, sans en abuser.*
- v. *De ce logis l'acheuement
Est meilleur que le fondement.*
- vi. *Ce prelat n'est point à ma guise,
Pour bien gouverner vne eglise.*
- vii. *Ores qu'il en eust le pouuoir,
Iamais n'en fera son deuoir.*
- viii. *Ne commencez maintenant rien,
Si vous voulez qu'il vienne à bien.*
- ix. *La fin de cest homme est douteuse,
Ou d'estre bonne, ou malheureuse.*
- x. *C'est an auras peine & soucy,
Bonne fortune auras aussi.*
- xi. *Tu n'obtiendras à ton attente,
Si quelque amy ne te presente.*
- xii. *Ce pelerin qu'on me reconse,
Viendra plustost que lon ne pense.*

- i. Ce pelerin, n'en doutez point,
Reviendra sain & en bon point.
- ii. S'on te poursuit, va t'en grand erre,
Car tu dois mourir à la guerre.
- iii. Ne faut pas croire un faux rapport,
On est souvent jaloux à tort.
- iiii. Il guarira, & en anant,
Sera plus sain qu'au parauant.
- v. C'est ieu d'esprit que les eschez,
Mais que du temps ne vous faschez.
- vi. Je n'en puis autre chose dire,
Sinon que n'y treuve à redire.
- vii. Cestuy est bon, sage & prudent,
Mais on a sur luy quelque dent.
- viii. Il payera sans nulle doute
Aux crediteurs la somme toute.
- ix. Pour quelque chose encommencer
Je te conseille t'avancer.
- x. Si tu vis en homme de bien,
Jamais ne fineras que bien.
- xi. Soit en profit ou en honneur,
Cest au auras quelque bon heur.
- xii. L'heure n'est pas (quant à present)
Bien propre, s'on ne fait present.

- i. *Si tu poursuis sans differer,
Tu l'auras, i'en puis assureer.*
- ii. *Ce pelerin est en peril
D'estre à mort mis, ou en exil.*
- iii. *Il doit mourir de mort estrange,
Si sa fortune ne se change,*
- iiii. *Ne mets rien en ta fantasie
A tort ou droit pour ialousie,*
- v. *Il est (si remede on n'y donne)
En grand danger de sa personne.*
- vi. *La lucte, la barre, & l'escrime
Rendent l'homme plus magnanime.*
- vii. *De cest œuvre le fondement
N'est pas assez profondement.*
- viii. *Il ne faut point qu'il se desguise,
Mieux vaut aux armes qu'à l'eglise.*
- ix. *De tout ce qu'il empruntera
Jamais ne s'en acquitera.*
- x. *Pour commencer ce qu'il propose
Cest heure n'est pas bien dispose.*
- xi. *S'il meurt bien ce sera merueille,
Car sa vie aura fin pareille.*
- xii. *Si tu as fortune qui plaise,
En autre endroit l'auras mauuaise.*

- i. *Cestuy, selon sa destinée,*
Sera fortuné ceste année.
- ii. *Ne t'attens point à la promesse,*
On t'y fera quelque finesse.
- iii. *Il auoit au voyage enuie,*
Dont peut estre en perdra la vie.
- iiii. *Il mourra sans aucun secours,*
N'ayant fait son naturel cours.
- v. *Ne sois ialoux sans grand' raison,*
Car on diffame sa maison.
- vi. *Il garira quoy qu'il attende,*
S'il a medecin qui s'entende.
- vii. *Aux doux instrumens de musique*
Vn bon esprit souuent s'applique.
- viii. *Cest œuure ainsi paracheué*
Est bien fait, & bien esleué.
- ix. *Cestuy seroit assez propice,*
S'il n'estoit si enclin à vice.
- x. *Il payera sans qu'on le moleste,*
Et en aura assez de reste.
- xi. *Cest heure est bonne & bien beureuse*
Pour faire quelque œuure amoureuse.
- xii. *Qui bien fera bien trouuera,*
Ou l'escriture mentira.

- i. *Il faut bien faire & viure, à fin
Que bonne vie ait bonne fin.*
- ii. *Plus on a soin de sa fortune,
Plus elle fasche & importune.*
- iii. *Fais en toymesmes la requeste,
Tu auras profit à la queste.*
- iiii. *Ce pelerin se maintiendra
Si sagement, qu'il reuiendra.*
- v. *Laissez l'auarice mondaine,
Que ne mourez de mort soudaine.*
- vi. *Ne sois ialoux dessus ta femme,
Qu'on ne t'en donne plus grand blasme.*
- vii. *Iamais ne fera longue traite,
Si plus sagement ne se traite.*
- viii. *Cartes & dez sont trop coleres,
C'est pour gens dignes de galeres.*
- ix. *Cest œuure est fait subtilement,
Et durera fort longuement.*
- x. *Ce prelat est de grand prudence,
Et de tresbonne conscience.*
- xi. *Il payera tout quoy qu'il s'absente,
Et n'y perdra lon que l'attente.*
- xii. *Si tu es homme de raison
Tien toy ce iour en ta maison.*

- i. *L'œuvre dont mention est faite,
Ne sera pas du tout parfaite.*
- ii. *Cestuy n'est pas beaucoup aimé,
Mais mal voulu & fort blasmé.*
- iii. *Ce qu'il attend il obtiendra
Par un bon heur qui luy viendra.*
- iiii. *En quelque endroit qu'il vneille aller
Toujours fera de luy parler.*
- v. *Pour être moine ou bon messire,
On le fera comme de cire.*
- vi. *La melancolie & tristesse
Luy abbregeront sa ieunesse.*
- vii. *Il pensera plus à richesse,
Qu'en guerre auoir bruit & prouësse.*
- viii. *Cestuy cy trainera long temps,
Et ne guarira qu'au printemps.*
- ix. *Pour bien accomplir un message
Ce messager n'est gueres sage.*
- x. *Sa pensée à bonne fin tend,
Poursuyue, aura ce qu'il pretend.*
- xi. *C'est un prelat de maugouerne,
Qui n'est bon que pour la tauerne.*
- xii. *A tous sera mal gracieux
D'être trop auaricieux.*

- | | |
|-------|--|
| i. | <i>Il sera large & liberal,
Ayant le cœur noble & Royal.</i> |
| ii. | <i>Ceste chose finablement
Se parfera louablement.</i> |
| iii. | <i>Cestuy n'est ennemy d'aucun,
Mais a la faueur d'un chacun.</i> |
| iiii. | <i>De l'esperance m'esmerueille,
Que c'est le songe d'un qui veille.</i> |
| v. | <i>Ailleurs aura ce qu'il souhaite,
Mais en son pays nul n'est prophete.</i> |
| vi. | <i>Trop a l'esprit haut & volage
Pour prendre un froc pour heritage.</i> |
| vii. | <i>Il n'aura fascherie aucune
Par accident, ne par fortune.</i> |
| viii. | <i>Cestuy sera homme de fait,
De bon conseil & grand effect.</i> |
| ix. | <i>Que de son mal ne soit marry,
Assez, à temps sera guarly.</i> |
| x. | <i>Ce messenger est bien discret,
Fidèle, loyal & secret.</i> |
| xi. | <i>Point ne demeure en beau chemin,
Puis que fortune tend la main.</i> |
| xii. | <i>Il sera de si bon affaire,
Qu'il ne pourra que tout bien faire.</i> |

- i. Cestuy n'est pas pour gouverner
Qui veut tout prendre & rien donner.
- ii. Ainsi despendra ses deniers
Que s'il en auoit pleins greniers.
- iii. Ce que tu as déterminé
Ne sera pas à chef mené.
- iiii. Il a grand nombre d'ennemis,
Sa fortune ainsi l'a permis.
- v. Qui trop entreprend & conçoit,
Son esperance le deçoit.
- vi. Tu auras honneur & puissance
Au propre lieu de ta naissance.
- vii. Sa nature est melancolique,
Et propre à l'estat monastique.
- viii. Quelque fortune accidentale
Auancera sa mort fatale.
- ix. Cest enfant sera sans faintise
De grand prouësse & vaillantise.
- x. S'il n'y donne ordre promptement,
Sera malade longuement.
- xi. Ce messager est langager,
De s'y fier y a danger.
- xii. Ton esprit tend à haute chose,
Point ne fera ce qu'il propose.

- i. *Ce qu'à present ton cœur pretend
Se doit poursuir comme il l'entend.*
- ii. *Sa prouidence sera bonne,
Si volupté ne le destourne.*
- iii. *Sur tous sera en general,
Fort magnifique & liberal.*
- iiii. *Cest œuvre (mais qu'on y entende)
Se parfera, quoy qu'il attende.*
- v. *Pour le bien qui en luy abonde,
Il est aimé de tout le monde.*
- vi. *Il obtiendra sans contredit,
La chose que son cœur luy dit.*
- vii. *Ce te sera bien le plus court,
Pour paruenir d'aller en court.*
- viii. *Pour estre vn gros abbé profes,
Il en portera bien le faix.*
- ix. *Il n'aura rien qui le deuie
D'acheuer son vray cours de vie.*
- x. *Cest enfant n'est pas né aux armes,
Mieux aimera suyure les dames.*
- xi. *Il guarira sans arrester,
Mais qu'il se face bien traiter.*
- xii. *Il est assez bonne personne,
Mais que par force on ne l'estonne.*

- i. *Je t'assure du messager,
Qu'il n'est point sot ne mensonger.*
- ii. *Si tu poursuis ton entreprise,
Jamais à fin ne sera mise.*
- iii. *Il gouverneroit sagement,
Dieu luy doit viure longuement.*
- iiii. *Il ne fera pas grand despense,
De peur d'auoir quelque indigence.*
- v. *Cest œuvre se parfera bien,
Par bon esprit & bon moyen.*
- vi. *Cestuy est si fort à blasmer,
Qu'à peine on le pourroit aimer.*
- vii. *De trop esperer c'est sottie,
Suffise d'en auoir partie.*
- viii. *N'espere au lieu de ta naissance,
De grans biens auoir iouissance.*
- ix. *Ce n'est pas sa complexion
De viure en contemplation.*
- x. *Il mourra par son propre fait
Pour quelque excès qu'il aura fait.*
- xi. *Il n'aimera guere la guerre,
Mais viure en paix dessus sa terre.*
- xii. *S'il ne s'efforce & prent vigueur,
Il sera long temps en langueur.*

- i. Elle sera (quoy qu'on en die)
Fort longue ceste maladie.
- ii. Ce messager est bien loyal,
Fiez vous y sans penser mal.
- iii. Ton entreprise est vertueuse,
Poursuis, la fin sera heureuse.
- iiii. Il fera si bien son deuoir,
Qu'il en doit grand honneur auoir.
- v. Il despendra beaucoup du sien,
Mais tout à honneur & à bien.
- vi. L'heure ou tu as affection
N'aura iamais perfection.
- vii. Pour bien aimer on est aimé,
Pour bien faire on est estimé.
- viii. Ce qu'il espere tost ou tard
Aduiendra, au moins bonne part.
- ix. Il n'a de vertu aucun signe,
Aussi d'honneur n'est pres ne digne.
- x. S'il est marqué ou mal adextre,
C'est son cas de le faire prestre.
- xi. Garde toy bien de paillardise,
Tu n'auras rien qui plus te nuise.
- xii. Cestuy aura sur tous le bruit
D'estre vaillant & bien instruit.

- i. *Cest enfant s'il est bien instruit,
Par sa prouesse aura bon bruit.*
- ii. *Si ceste maladie est griesue,
Aussi pour vray oll' sera briesue.*
- iii. *Ie le vous puis certifier,
Qu'il n'est pas seur de s'y fier.*
- iiii. *Tu entreprends trop de leger,
Garde d'en tomber en danger.*
- v. *Ne pensez pas qu'il face rien,
Pour l'estimer homme de bien.*
- vi. *Rien de ses biens qu'il gagnera,
A ses amis n'espargnera.*
- vii. *L'œuure aura son acheuement,
Si le seigneur vit longuement.*
- viii. *Sois en tes affaires veillant,
Car tu n'es pas sans maluueillant.*
- ix. *De ce que fol pense souuent,
Autant en emporte le vent.*
- x. *Si cestuy doit honneur acquerre,
Ce sera en estrange terre.*
- xi. *Qui religieux le feroit,
En brief son froc delaisseroit.*
- xii. *Par nous la fin s'auance ou tarde,
Qui s'en peut garder si s'en garde.*

- i. Pour faire excès presque tousiours,
Bien fort auanceras tes iours.
- ii. Aux armes ne sera idoine,
Il vaudra mieux le faire moine.
- iii. Estimez sans point en mentir,
Qu'il s'en pourra long temps sentir.
- iiii. Cestuy est conuicteux d'argent,
Et si n'est gueres diligent.
- v. Pursuis hardiment l'entreprise,
Car à bonne fin sera mise.
- vi. S'il ne se garde d'auarice
Iamais ne fera bien l'office.
- vii. Il sera tant chiche & auare,
Qu'il n'aura dieu que le denare.
- viii. Commencez tant qu'il vous plaira,
Tel œuure ne s'accomplira.
- ix. Tu es trop fascheux (dire i ose)
Si lonte bait tu en es cause.
- x. Son esperance luy faudra,
Du tout rien ne luy aduiendra.
- xi. En quelque lieu que cestuy aille,
Il n'acquerra honneur qui vaille.
- xii. Qu'il soit plustost prestre ou chanoine,
Car seroit vn diable de moine.

- | | |
|-------|---|
| i. | <i>Il a plus grand' deuotion
Au monde qu'à religion.</i> |
| ii. | <i>Par auarice & par enuie
Abbregeras l'heur de ta vie.</i> |
| iii. | <i>On peut iuger dès son ieune aage
Qu'il sera vaillant personnage.</i> |
| iiii. | <i>S'il est ieune en brief guarira,
S'il est vieil long temps languira.</i> |
| v. | <i>Il est fidele messager,
Mais il est un peu mensonger.</i> |
| vi. | <i>Commence & poursuy viement,
A chef en viendras brieuement.</i> |
| vii. | <i>Si prudemment gouvernera
Que chacun s'en contentera.</i> |
| viii. | <i>Il usera toute saison
De sa richesse par raison.</i> |
| ix. | <i>Cest œuure à temps d'accomplira,
Dont le seigneur s'esouyra.</i> |
| x. | <i>Tu es, qui me rend esbahy,
De tous aimé, de nul l'ay.</i> |
| xi. | <i>Ce qu'il espere il obtiendra,
Ou la fortune luy faudra.</i> |
| xii. | <i>Iamais n'acquerra grand loyer,
Pour demourer en son foyer.</i> |

- i. *A grand honneur ne parviendra,
Voise en quelque lieu qu'il voudra.*
- ii. *Il aimera mieux le butin,
Et les armes, que le Latin.*
- iii. *Il est paistry de bonne paste,
Il n'y a chose qui le haste.*
- iiii. *Cestuy sera humain & doux,
Et preux aux armes dessus tous.*
- v. *La maladie qu'on propose
A long temps durer se dispose.*
- vi. *Ce messager fait bonne mine,
Garde toy bien qu'il ne t'affine.*
- vii. *Ie te conseille laisser tout,
Car n'en viendras iamais à bout.*
- viii. *Ce prelat n'est pas en effect,
Pour iamais faire vn seul beau fait.*
- ix. *Eust il d'escus pleine maison,
Il les despendra sans raison.*
- x. *Cest œuvre ainsi que tu l'entens
Ne s'accomplira de long temps.*
- xi. *Tu feras tant que tes amis
En fin seront tes ennemis.*
- xii. *Frustré fera de ce qu'il pense,
Mais il en aura recompense.*

- i. *Il obtiendra si peine y met,
Ce qu'esperance luy promet.*
- ii. *Il acquerra assez d'honneurs,
En son propre pays & ailleurs.*
- iii. *S'il ne vaut rien faites le moine,
Il y sera propre & idoine.*
- iiii. *Le grand travail, labeur & peine,
Abbregera sa vie humaine.*
- v. *Cestuy sera bien de la taille
D'aimer mieux danses que bataille.*
- vi. *S'on le veut tost faire guarir,
Lefaut promptement secourir.*
- vii. *Cestuy est loyal & fidele,
Et viste comme une arondele.*
- viii. *Poursuis, car bien succedera,
Et la fortune t'aidera.*
- ix. *Il gouuernerait sagement
S'il pouuoit viure chastement.*
- x. *Il vsera de sa largesse,
Selon sa puissance & richesse.*
- xi. *Ceste chose se parfera,
Qui bien son deuoir en fera.*
- xii. *Il n'a point si grans ennemis,
Que s'il veut il ne face amis.*

- i. Tu n'as ennemy apparent,
Si ce n'est un proche parent.
- ii. De cest espoir ne te contente,
Tu parviendras à ton attente.
- iii. Cherche l'honneur en terre estrange,
Car en ton pays n'auras louange.
- iiii. Sa ieunesse est trop bien apprise,
Pour estre fait homme d'eglise.
- v. Mais que bien vivant se maintienne,
Ne luy chaille quand la mort vienne.
- vi. Il sera volontiers de ceux
Qui sont couars & paresseux.
- vii. Ce malade certainement
Sera gay prochainement.
- viii. Ce messager dont tu t'enquiers,
Parfera bien ce que requiers.
- ix. Ceste entreprise est fort douteuse,
Le crains la fin n'en estre heureuse.
- x. Si sagement se maintiendra,
Que sur luy exemple on prendra.
- xi. Plus liberal que sa puissance,
Si de son bien a iouissance.
- xii. Si plus grand peine tu n'y mets
Il ne s'accomplira iamaïs.

F I N.



